

## MISSINGIUT

### **Kalaallit Nunaanni eqqartuussisarnermik inatsisip allanngortinneqarnera pillugu inatsisissatut siunnersuut (Pinerluttulerinermi suliani il.il. meeqqanik inuusuttunillu video atorlugu killisiuisarneq)**

#### **§ 1**

Kalaallit Nunaanni eqqartuussisarnermik inatsimmi, inatsit nr. 305, 30. april 2008-meersumi, inatsisikkut nr. 1388, 23. december 2012-imeersukkut, inatsisikkut nr. 735, 25. juni 2014-imeersukkut aamma inatsisikkut nr. 740, 25. juni 2014-imeersukkut allanngortinneqartumi makku allanngortinneqarput:

**1.** § 146-p kingorna ikkunneqarpoq:

”§ **146 a.** Inuk, § 340 a imaluunniit § 155, imm. 3 malillugit video atorlugu killisiorneqarsimasoq eqqartuussutissap isumaqatigiinniutigineqarnerata nalaani ilisimannittutut nassuiaateqarnissamut pisussaaffeqanngilaq.

*Imm. 2.* Eqqartuussivik qaqutigoorluinnartumik imm. 1-mut ilaasoq inuk eqqartuussutissap isumaqatigiinniutigineqarnerata nalaani ilisimannittutut nassuiaateqarnissamut peqqusinnaavaa, tamanna suliap aalajangiiffiginissaanut pingaaruteqarluinnarpat, killisiuinerlu naammangippat video atorlugu killisioqqinneqassalluni.”

**2.** § 147, *imm. 1* aamma 2-mi, ”§§ 142-146” imatut allanngortinneqarpoq: ”§§ 142-146 a”.

**3.** § 155, *imm. 3*-mi, oqaaseqatigiit siulliit kingorna ikkunneqarpoq:

”Pinerluttulerinermi suliani tamanna aamma inunnut, § 340 a malillugu video atorlugu killisiorneqarsimasunut atuuppoq, imaluunniit § 340 a, imm. 1-mi piumasaaqatinik naammassinnittumik inummik killisiuineq video atorlugu killisiuinertut ingerlanneqassasoq eqqartuussivik aalajangersimappat.”

**4. § 321 a** imatut oqaasertalerneqassaaq:

”§ 321 a. § 340 a imaluunniit § 155, imm. 3 malillugu video atorlugu killisiuineq sioqqullugu pasineqartumut imaluunniit kingusinnerusukkut suliami pasineqalersussamut illersuisussannngortitsisoqassaaq, pineqartoq nammineq illersuisussaminik toqqaasimangippat, imaluunniit illersuisussatut toqqarneqartoq takkutinnngitsoorpat.”

**5. § 340 a, imm. 1,** atorunnaarpoq, taarsiullugulu ikkunneqarluni:

” § 476 a (video atorlugu killisiuineq) malillugu eqqartuussutissap isumaqatiginniutigineqarnerani immiussap uppernarsaatitut atorneqarnissaa siunertaralugu politiit inummik killisiuinerat videokkut immiunneqarsinnaavoq inuk

1) 13-t inorlugit ukioqarpat,

2) 15-t inorlugit ukioqarpat, paasiniaarnerlu ukuninnga unioqqutitisinernik tunngasuuppat

a) Kalaallit Nunaanni pinerluttulerinermik inatsimmi § 74 imaluunniit kapitali 18 imaluunniit

b) Kalaallit Nunaanni pinerluttulerinermik inatsimmi § 86, imm. 1, imaluunniit § 88, oqaaseqatigiit siulliit, inuk taassumaluunniit qanigisaa pinerlineqarsimappat, pasineqartorlu inuup qanigisaanut ilaappat,

3) 18-it inorlugit ukioqarpat, aamma video atorlugu killisiusoqarnissaanut immikkorluinnaq pissutissaqarpat, imaluunniit

4) 18-inik taakkuluunniit sinnerlugit ukioqarpat aamma tarnikkut annertuumik nappaateqarpat imaluunniit sulisinnaanera annertuumik annikillismappat, aamma video atorlugu killisiuisoqarnissaanut immikkorluinnaq pissutissaqarpat.

*Imm. 2.* Illersuisoq video atorlugu killisiuinermi najuutissaaq.”

*Imm. 2* tamatuma kingorna *imm. 3*-nngorpoq.

**6. § 340 a, imm. 2-mi, imm. 3-nngortumi, sumiiffinni marlunni** ”imaluunniit pasisaq”, aamma ”meeraq” imatut allanngortinneqarpoq: ”Inuk”.

**7. § 340 a-mi imm. 4-tut** ikkunneqarpoq:

”Imm. 4. Video atorlugu killisiuinerup eqqartuussutissap isumaqatiginniutigineqarnerani uppersaatitut atorneqarnissaanut pasineqartoq, illersuisorluunniit akerliussappat pineqartoq video atorlugu killisiuinerup ingerlanneqarnerata kingusinnerpaamik sapaatit akunneri sisamat kingorna apeqqut eqqartuussivimmut suliassanngortissavaa. Eqqartuussivik piffissaliussamik qaangiineq utoqqatsissutigineqarsinnaasutut isigineqarsinnaasoq pingaartinngissinnaavaa.”

**8. § 344, imm. 1, oqaaseqatigiit pingajuanni,** ”meeqqamik killisiuineq, § 155, imm. 3 malillugu eqqartuussivik aalajangersimappat killisiuineq videomut immiunneqassasoq” imatut allanngortinneqarpoq: ”§ 155, imm. 3 malillugu inummik video atorlugu killisiuineq”.

**9. § 448-mi** ”atit atorneqarnissaannik inerteqqut”-ip kingorna ikkunneqarpoq: ”, meeqqamik 15-it inorlugit ukiulimmik imaluunniit inummik, video atorlugu killisiorneqarsimasumik killisiuineq qanoq kimillu ingerlanneqassanersoq.”.

**10. § 467 a** imatut oqaasertalerneqarpoq:

”§ 467 a. § 321 a imaluunniit § 155, imm. 3 malillugu video atorlugu killisiuineq eqqartuussutissap isumaqatiginniutigineqarnerani uppersaatitut atorneqarsinnaavoq.”

**11. § 743, imm. 1-imi,** ”13” imatut allanngortinneqarpoq: ”14”, aamma ”Kalaallit Nunaanni pinerluttunik isumaginnittoqarfimmi pisortap,” kingorna ikkunneqarpoq: ”kredsdommeri”.

**12. § 743, imm. 2-mi,** oqaaseqatigiit siulliit kingorna ikkunneqarpoq:

”Kredsdommerit peqatigiiffianniit inassuteqaateqartoqarnerata kingorna kredsdommeri inatsisinik atortitsinermut ministerimit toqqarneqassaaq.”

§ 2

Inatsit ulloq 1. april 2016-imi atuutilersinneqassaaq.

*Inatsisissatut siunnersuummut nassuiaatit  
Nassuiaatit nalinginnaasut*

**Imarisai**

<b>1. Aallaqqaasiut .....</b>	<b>6</b>
<b>2. Meeqqanik inuusuttunillu video atorlugu killisiuineq.....</b>	<b>7</b>
2.1. Inatsisit atuuttut .....	7
2.1.1. Politiini aamma eqqartuussutissap isumaqatiginniutigineqarnerani killisiuineq7	2.1.2.
Video atorlugu killisiuineramik aaqqissuussineq.....	9
2.2. Inatsisissatut siunnersuutip imaa.....	15

2.2.1. Eqqarsaatersuutit nalinginnaasut.....	15
2.2.1.1. Strafferetsplejeudvalgip eqqarsaatersuutai .....	15
2.2.1.2. Justitsministeriarfiup eqqarsaatersuutai.....	18
2.2.2. Video atorlugu killisiuermik aqqissuussinerup atuuffia.....	19
2.2.2.1. Strafferetsplejeudvalgip eqqarsaatersuutai .....	19
2.2.2.1.1. Pingaarnertut eqqarsaatersuutit .....	19
2.2.2.1.2. Meeqqat 13-t inorlugit ukiullit.....	20
2.2.2.1.3. Meeqqat 13-14-nik ukiullit kinguaassiutitigut pinerluttuliornermi, qanigivallaamik atoqateqarneq imaluunniit ilaqutariinni persuttaasarneq pillugu suliani .....	20
2.2.2.1.4. Meeqqat inuusuttullu 18-t inorlugit ukiullit allat .....	22
2.2.2.1.5. Inuit annertuumik tarnikkut nappaatillit imaluunniit sulisinnaaneratt annertuumik annikillisimasut .....	26
2.2.2.2. Justitsministeriarfiup eqqarsaatersuutai.....	26
2.2.3. Video atorlugu killisiorneqartut inuit ilisimannittutut ilaatinnginnissaat .....	26
2.2.3.1. Strafferetsplejeudvalgip eqqarsaatersuutai .....	26
2.2.3.2. Justitsministeriarfiup eqqarsaatersuutai.....	29
2.2.4. Video atorlugu killisiuineq pillugu paasisaqarnerup uppersaatit atorneqarsinnaanera .....	29
2.2.4.1. Strafferetsplejeudvalgip eqqarsaatersuutai .....	29
2.2.4.2. Justitsministeriarfiup eqqarsaatersuutai.....	31
2.2.5. Video atorlugu killisiuinerup ingerlanneqarneranut tunngasunik kaammattuutit .....	32
2.2.5.1. Strafferetsplejeudvalgip eqqarsaatersuutai .....	32
2.2.5.1.1. Ilisimannittup ilaatinnginnissaa pillugu ilitsersuut .....	32
2.2.5.1.2. Angajoqqaat video atorlugu killisiuinissamat akerlilitillugit suleriaaseq ...	32
2.2.5.1.3. Arlaleriarluni video atorlugu killisiuineq .....	33
2.2.5.1.4. Video atorlugu killisiuineq pillugu piffissaq .....	34
2.2.5.2. Justitsministeriarfiup eqqarsaatersuutai.....	34
<b>3. Kalaallit Nunaanni Eqqartuussiviit pillugit Siunnersuisoqatigiit annertusineqarneri</b> .....	35
<b>4. Aningaasaqarnikkut allaffissornikkullu pisortanut kingunissai .....</b>	35
<b>5. Aningaasaqarnikkut allaffissornikkullu inuussutissarsiortunut il.il. kingunissai</b> .....	35
<b>6. Innuttaasunut allaffissornikkut kingunissaa .....</b>	35
<b>7. Avatangiisitigut kingunissai .....</b>	36
<b>8. Avatangiisitigut kingunissai .....</b>	36
<b>9. Oqartussat kattuffiillu il.il. tusarniarneqartut .....</b>	36
<b>10. Eqikkaalluni immersugaq .....</b>	37

## 1. Aallaqqaasiut

Inatsisissatut siunnersuummi siunertaq tassaavoq video atorlugu killisiuilluni aqqissuussinermik taaneqartumut atuuffiata annertusineqarneratigut pinerlunnermut ilungersunartumik nalaataqarsimasutut imaluunniit takunnissimasutut ilimagineqartut

meeqqat inuusuttullu illersorneqarnerisa pitsaanerulersinnisaa. Aamma aaqqissuussinermi allannguutiniq ataasiakkaaniq allaniq allannguisoqarnissaa siunnersuutigineqarpoq.

Video atorlugu killisiuinerup kingunerisaaniq video atorlugu immiunneqartumik meeraq inuusuttorluunniit pinerluttulerinermi suliani paasiniaasoqarnerani nassuiaassaaq aamma meeqqap inuusuttullunniit eqqartuussivimmi takkunnissaanut tassanilu killisiorneqarnissaanut taarsiullugu eqqartuussutissap isumaqatiginniutigineqarnerani uppersaatit takutinneqassalluni. Video atorlugu killisiuineq politiinut unnerluutiginninnerup kingorna piaarerpaamik avatangiisini toqqissisimanartuni ingerlanneqassaaq, killisiuineq video atorlugu killisiuinissamut immikkut ilinniarsimasunik ingerlanneqarluni.

Inatsisissatut siunnersuutip pingaarnertut imai makkuupput:

- Video atorlugu killisiuinerup atuuffia, ullumikkut meeraq 13-it inorlugit ukioqarpat aallaaviatigut taamaallaat atorneqartussaaq, annertusineqassaaq, pingaartumik taamaalilluni siunissami kinguaassiutitigut pinerluttuliorneq, qanigilluinnakkamik atoqatiginninneq imaluunniit ilaqutariit iluanni persuttaasoqarsimanagera pillugu suliani meeqqaniq 13-14-inik ukiulinnik video atorlugu taamaallaat ingerlanneqartalerluni (ataaniittumi imm. 2.2.2).
- Meeqqat inuusuttullu, video atorlugu killisiorneqarsimasut, erseqqilluinnartumik aallaaviatigut eqqartuussutissap isumaqatigiinniutigineqarnerata nalaani ilisimannittutut nassuiaateqarnissamut ilaatinneqassanngillat, video atorlugu killisiuinissamut piunasaqaatit killisiuinermi piffissami naammassineqarsimappata (ataaniittumi imm. 2.2.3)
- Aalajangersarneqarpoq illersuisoq imaluunniit pasineqartoq, video atorlugu killisiuinermi uppersaatit atorneqarnissaanut akerliliisut, assersuutigalugu video atorlugu killisiuinermut piunasaqaatit naammassineqarsimannngitsut pineqartoq isumaqaruni, aallaaviatigut video atorlugu killisiuinerup ingerlanneqarneraniit kingusinnerpaamik sapaatit akunnerit sisamat kingorna apeqqut eqqartuussivimmut suliassanngortinneqarsinnaavoq (ataaniittumi imm. 2.2.4).

Inatsisissatut siunnersuummi pinerluttulerinermi suliani meeqqaniq inuusuttunillu video atorlugu killisiuineq pillugu Strafferetsplejeudvalgip isumaliutissiisutaani nr. 1554/2015-imi

(matuma kingorna “isumaliutissiissut”) video atorlugu killisiuinerup atorneqarnerata annertusineranut iluseq siunnersuutigineqartoq tunngavigineqarpoq. Isumaliutissiissut tassunga atasunik video atorlugu killisiuinerup ingerlanneqarneranut tunngasunik kaammattuuterpaalunnik imaqarpoq, taakku ataani imm. 2.2.5-imi erseqqinnerusumik suliarineqarput.

Taakku saniatigut isumaliutissiissummiipput kinguaassiutitigut pinerluttuliorneq, inummut annertuumik navianartunik pinerluuteqarneq assigisaaniluunniit pillugit suliani meeqqat inuusuttullu eqqartuussivinnit qanoq sammineqarneri qanoq pitsanngortinneqarsinnaaneritut kaammattuuteqarpoq, pineqartumik video atorlugu killisiuinerup ingerlatsisoqanngippat (isumaliutissiissummi qupperneq 164-169).

Video atorlugu killisiuinerup aqqissuussinerup qulaani taaneqartut allannguutit saniatigut inatsisissatut siunnersuutip kinguneraa Kalaallit Nunaanni Eqqartuussivinnut Siunnersuisoqatigiit kredsdommerimik ataatsimik amerlineqassasut (ataani imm. 3).

## **2. Meeqqanik inuusuttunillu video atorlugu killisiuineq**

### *2.1. Inatsisit atuuttut*

#### *2.1.1. Politiini aamma eqqartuussutissap isumaqatiginniutigineqarnerani killisiuineq*

*2.1.1.1.* Ilisimannittut aallaaviatigut pinerluttulerinermi suliap paasiniarneqarnerata nalaani politiinit kingusinnerusukkullu eqqartuussutissap isumaqatiginniutigineqarnerani killisiorneqartarput, unnerluussisoqarpat, aamma unnerluussisuutitaasut imaluunniit illersuisoq kissaatigippassuk pineqartoq ilisimannittutut nassuiaateqassasoq.

Tamatumunnga pissutaavoq uppernarsaatip erninnaartuusinnaanerani taaneqartoq pillugu pingaarutilimmik tunngaveqarneq. Tassaniippoq pinerluttulerinermi suliani uppernarsaassut aallaaviatigut eqqartuussivimmuut eqqartuussisunut aamma eqqartuussutissap isumaqatiginniutigineqarnerani erninnaartumik ingerlanneqartariaqarnera. Tamatumunnga tunngavilersuut pingaartumik tassaavoq uppernarsaatit erninnaartumik eqqartuussivimmuut eqqartuussisumut saqqummiunneqarpata suliami ataqatigiinnermik eqqartuussivik eqqortumik ajunnginerpaamik paasisaqarnissaat pillugu isumaqarneq, taamaalilluni eqqartuussisut aamma eqqartuussisooqataasut nammineq ilisimannittunik il.il.

takusaqarnissamik tusaasaqarnissamillu periarfissaqarlutik, aamma nassuiaatigineqartut pissutigalugit apeqquteqarsinnaallutik.

Eqqartuussutissap isumaqatiginniutigineqarnerani ilisimannittunik killisiuisoqarneratigut aamma qulakkeerneqartarpoq unnerluutigineqartup illersuisua ilisimannittumut apeqquteqarnissaminut periarfissinneqarnera, Kalaallit Nunaanni eqqartuussisarnermik inatsimmi § 155, imm. 1 naapertorlugu, aamma Europami Inuit Pisinnaatitaaffii pillugit Isumaqatigiisummi immikkoortoq 6, imm. 3, litra d, imm. 1 naapertorlugu.

Uppernarsaatip erniinnaartuusinnaanera pillugu tunngavik Kalaallit Nunaanni eqqartuussisarnermik inatsimmi § 464-imi aalajangersarneqarpoq, taanna malillugu uppernarsaaneq eqqartuussutissap isumaqatiginniutigineqarnerani ingerlanneqarsinnaalluni, arlaannik uppernarsaasoqarnerisimut imaluunniit uppernarsaasoqannginnerisimut pillugu aalajangiiniarnermi aallaaviatigut eqqartuussutissap isumaqatiginniutigineqarnerani saqqummiunneqartut uppernarsaatit kisimik aallaavigineqarlutik.

Kalaallit Nunaanni eqqartuussisarnermik inatsimmi § 141, imm. 1 malillugu eqqartuussiveqarfimmi pineqartup najugaqarfigisaani ilisimannittut kinaluunniit nassuiaateqarnissamut pisussaaffeqarpoq. § 141, imm. 2 malillugu eqqartuussivik aalajangersinnaavoq inuk eqqartuussiveqarfiusup avataani najugaqartoq ilisimannittut takkutissasoq peqqusisinnaavoq, tamanna annertuumik akornuteqanngitsumik imaluunniit aningaasartuutaanngitsumik pisinnaappat, imaluunniit missiliorneqarpat ilisimannittup nassuiaataa suliami aalajangiinissamut ima pingaaruteqartigisoq, aamma suliaq imatut pingaaruteqarpat ilisimannittup takkunnissaanut peqquneqarnissaa naammaginarluni.

Ilisimannittoq nalinginnaasumik inimut eqqartuussivimmuut nammineq takkutissaaq. Taamaattoorli Kalaallit Nunaanni eqqartuussisarnermik inatsimmi § 141, imm. 3 aamma 4-mi maleruagassat malillugit eqqartuussivik pisut ilaanni – tamanna illersorneqarsinnaasutut isigineqarpat – ungasianiit attaveqaatit atornerarnerisigut ilisimannittoq nassuiaateqassasoq aalajangiisinnaavoq.

Ilisimannittoq Kalaallit Nunaanni eqqartuussisarnermik inatsimmi § 141, imm. 2-4 malillugit nassuiaasinnaanngippat ilisimannittoq eqqartuussiveqarfimmi pineqartup najugaqarfigisaani nassuiaasussanngorlugu aggersarneqassaaq. Ilisimannittup qinnuteqarneratigut



ilisimannittut nassuiaat eqqartuussiveqarfimmi allami saqqummiunneqarsinnaavoq. Tamanna § 141, imm. 5-imi takuneqarsinnaavoq.

2.1.1.2. Inatsit maleruagassanik arlalinnik imaqarpoq politiini imaluunniit eqqartuussivimmi killisiuinerup ilisimannittumut imaluunniit pinerlineqarsimasumut artornannginerunissaanut iluaqutaasumik.

Kalaallit Nunaanni eqqartuussisarnermik inatsimmi § 333 taamaalilluni pisuni erseqqinnerusumik taagorneqartuni arlalinni pinerlineqarsimasumut illersuisussamik tunineqarnissaq pillugu maleruagassanik taamatut ittunik imaqarpoq. Illersuisup pinerlineqarsimasoq tapersorsorlugulu ilitsersuutissavaa.

Kalaallit Nunaanni eqqartuussisarnermik inatsimmi § 155, imm. 3, oqaaseqatigiit aappaat taakku saniatigut eqqartuussivimmi ilisimannittutut meeqqamik 15-it inorlugit ukiulimmik killisiuinermi ikiuisussamik kommunalbestyrelsimut sinniisumik imaluunniit inummik allamik naleqquttumik aggersaanissamat periarfissiivoq.

Eqqartuussivimmi ilisimannittumik killisiuinermi eqqartuussivik aalajangersinnaavoq eqqartuussinissamat piareersaaneq matuni matoqqasuni ingerlanneqassasoq, tamanut ammasumik eqqartuussinissamat piareersarnermi suliamik suliarinninneq pisariaqanngitsumik arlaannik innarliisinnaappat, Kalaallit Nunaanni eqqartuussisarnermik inatsimmi § 114, imm. 1, nr. 3 naapertorlugu. Taamaattorli § 114, imm. 4 malillugu imaqarniliorneq imaluunniit atit atorneqarnissanut inerteqqut pillugu imaluunniit inuit ataasiakkaat ilaatinnginnissaat pillugu maleruagassat atorneqarnissaat naammappat matut matoqqatinnissaat pillugu aalajangiisoqarsinnaanngilaq.

Taakku saniatigut qanigivallaamik atoqateqarneq, pinngitsaalineqarneq aamma kinguaassiutitigut pinerluttuliornerit ilai ilungersunartut pillugit suliani pineqartup tamanna qinnutigippagu, pinerlineqarsimasup nassuiaateqarnerani matut matoqqatinneqassapput, Kalaallit Nunaanni eqqartuussisarnermik inatsimmi § 115, imm. 1 naapertorlugu.

Kalaallit Nunaanni eqqartuussisarnermik inatsimmi § 458, imm. 1 malillugu tamatuma saniatigut eqqartuussivik aalajangersinnaavoq ilisimannittup killisiorneqarnerani

nangaassuteqanngitsumik nassuiaasoqarnissaata anguneqannginnissaa immikkut pissutissaqarsorinarpat unnerluunneqartup ini eqqartuussivik qimassagaa.

Kalaallit Nunaanni eqqartuussisarnermik inatsimmi § 448-mit takuneqarsinnaavoq matut matoqqatinnissaat, imaqarniliornissamat inerteqqut, atit atoruneqarnissaannik inerteqqut aamma ilisimannittumik killisiuinerup nalaani unnerluunneqartup inimik eqqartuussiviusumik qimatsinissaa pillugu aalajangiineq eqqartuussutissap isumaqatigiinniutigineqarnissaa sioqqullugu aalajangiisoqarsinnaavoq, politiit, illersuisoq imaluunniit ilisimannittoq tamanna pillugu qinnuteqarpat.

Kalaallit Nunaanni eqqartuussisarnermik inatsimmi § 155, imm. 3, oqaaseqatigiit pingajuat malillugu meeqqamik 15-it inorlugit ukiulimmik qanoq ingerlanneqassanersoq kinalu killisiuissanersoq eqqartuussivik aalajangersinnaavoq. Meeraq eqqartuussivimmi nassuiaateqarpat eqqartuussisoq, eqqartuusseqataasut, illersuisoq, kommunimilu sinniisoq illersuisorlu najuutsillugit eqqartuussisup allaffiani killisiuineq ingerlanneqarsinnaavoq.

### *2.1.2. Video atorlugu killisiuinermik aaqqissuussineq*

*2.1.2.1.* Pinerluttulerinermi suliani unnerluussisuutitaasunit imaluunniit illersuisunit eqqartuussutissap isumaqatigiinniutineqarnerani ilisimannittut namminneq takkullutik nassuiaateqarnissaannik kissaateqarneranni pingaarnertut maleruagassaq meeqqanik video atorlugu killisiuineq pillugu Kalaallit Nunaanni eqqartuussisarnermik inatsimmi aalajangersakkanit ilaatigut saneqqunneqarpoq.

Aalajangersakkat taakku Kalaallit Nunaanni eqqartuussisarnermik inatsimmi §§ 321 a, 340 a aamma 467 a-mi nassaarineqarsinnaasut Kalaallit Nunaanni pinerluttulerineq pillugu inatsisip aamma Kalaallit Nunaanni eqqartuussisarnermik inatsisip allanngortinnera pillugu inatsit nr. 735, 25. juni 2014-imeersukkut eqqunneqarput (Tarnimikkut nappaatillit pinerluuteqarsimasut aamma meeqqanik video atorlugu killisiuineq il.il. pillugu Kalaallit Nunaanni tarnikkut nappaatilinnut inatsisip atortinneqarnera). Inatsimmi Kalaallit Nunaanni eqqartuussisarnermik inatsimmi Danmarkimi eqqartuussisarnermi inatsimmi tamanna pillugu maleruagassanut naapertuuttunik meeqqanik video atorlugu killisiuineq pillugu maleruagassat atuutilersinneqarput.

Meeqqanik video atorlugu killisiuineq pillugu Danmarkimi maleruagassat pillaasarnermi inatsisip, meeravissiartaartarneq pillugu inatsisip aamma eqqartuussisarnermik inatsisip allanngortinneri pillugit inatsisikkut nr. 228, 2. april 2003-meersukkut atuutilersinneqarput (Meeqqanik pornografi, meeqqanik kinguaassiutitigut atonerluineq, meeqqanik tunisisarneq aamma meeqqanik kinguaassiutitigut atonerluineq pillugu pillaaniarnermi suliat naammassineqarneri), meeqqanik kinguaassiutitigut atonerluineq pillugu pillaasarnermi suliat naammassineqarneri pillugu isumaliutissiisummik nr. 1420/2002-meersumik tunngaveqarpoq. Video atorlugu killisiuineq tamanna pillugu Danmarkimi eqqartuussisarnermi inatsisip immikkut maleruagassat eqqunneqarneri sioqqullugu taamanikkut aalajangersagaq § 877, imm. 3 malillugu ukiuni arlalinni atorneqareersimavoq, taanna naapertorlugu allagaatit pisimasunullu uppernarsaatit, nassuiaatinik imaluunniit ilisimannittup nassuiaataanik imallit, uppernarsaatit atorneqarsinnaallutik, tamatumunnga eqqartuussivik qaqutigootumik akuersisimatillugu (maannakkut § 871, imm. 4). Isumaliutissiisummi qupperneq 15-20-mut innersuussisoqarpoq.

Meeqqanik video atorlugu killisiuineq aamma tamanna pillugu Kalaallit Nunaanni eqqartuussisarnermik inatsisip immikkut maleruagassaanik 2014-imi eqqussineq sioqqullugu ukiuni arlalinni Kalaallit Nunaanni atorneqarsimavoq. Danmarkimi eqqartuussisarnermi inatsimmi immikkut maleruagassat malillugit Danmarkimi atuuttut annertuutitigut naapertorlugit periuseq taanna atorneqarpoq, Folketingstidende 2013-14, A, L 120 taanna saqqummiunneqartoq, qupperneq 7 naapertorlugu.

Kalaallit Nunaanni eqqartuussisarnermi inatsimmi § 467 a malillugu, killisiuineq videokkut immiussilluni (video atorlugu killisiuineq) politiit meeqqamik killisiuinerat eqqartuussutissap isumaqatiginniutigineqarnerani uppernarsaatit atorneqarsinnaalluni.

Video atorlugu killisiuinerup malitsigisaanik aallaaviatigut meeqqap politiinut nassuiaataa paasiniaanermi videokkut immiunneqassaaq aamma eqqartuussutissap isumaqatigiinniutigineqarnerani meeqqap ilisimannittut takkunnissaanut taarsiullugu eqqartuussutissap isumaqatiginniutigineqarnerani uppernarsaatit takutinneqarluni. Suleriaatsip ilaatigut siunertaraa uppernarsaatip sapinngisamik sukkanermik qulakkeerneqarnissaa, ilaatigullugu meeraq qajassuunneqarluni.

Meeqqamik politiit killisiuinerannik video atorlugu immiussinerup uppersaaitut eqqartuussutissap isumaqatiginniutigineqarnerani takutitsineq – eqqartuussivimmu eqqartuussisumut ilisimannittut meeqqap nassuiaateqarneranut taartit - uppersaaitip erninnaartuuneranik pingaarnertut tunngavimmik saneqqussinerummat, video atorlugu killisiuineq pisuni erseqqinnerusumik aalajangerneqarsimasuni uppersaaitut taamaallaat atorneqarsinnaavoq.

Tamanna taamaalilluni video atorlugu killisiuineq pillugu Kalaallit Nunaanni eqqartuussisarnermik inatsimmi aalajangersakkat piareersaataannit takuneqarsinnaavoq (Folketingstidende 2013-14, A, L 120 saqqummiunneqartoq, qupperneq 7-8), video atorlugu killisiuineq aallaaviatigut taamaallaat atorneqartassasoq meeqqat 12-inik taakkuluunniit inorlugit ukioqarpat. Taamaattorli immikkut pisoqarsimasinnaavoq, tassunga ilanngullugu meeqqap ineriartornera aamma tarnikkut qanoq ittuunera, tamatuma kingunerisaanik aamma meeqqat utoqqaanerusut video atorlugu killisiorneqarsinnaallutik. Video atorlugu killisiuineq meeqqanut kinguaassiutitigut innarliinerit pillugit sulisuni aalajangersimasumik naliliisoqarneratigut atorneqarsinnaavoq. Periuseq aamma suliani allani atorneqartarpoq, meeqqap taamatut eqqarsaatiginissaa aamma atuulluni, aamma pisut naapertorlugit eqqartuussutissap isumaqatiginniutigineqarnerani takutinneqarnissaa siunertaralugu meeqqap killisiorneqarnerata video atorlugu immiunneqarnissaanik taamaaqataanik pisariaqartitsisoqarsinnaalluni.

Meeqqamik video atorlugu killisiuineq pillugu Danmarkimi eqqartuussisarnermi inatsimmi maleruagassat 2003-mi eqqunneqarnerini, soorlu eqqaaneqareersutut aamma Kalaallit Nunaanni eqqartuussisarnermi inatsimmi 2014-imi eqqunneqartoq, ukiuni arlalinni eqqartuussivinni atugaalerluni ineriartortinneqarsimasoq ukiunut killiliineq ingerlateqqinneqarpoq.

Eqqartuussivinni periuseq tassaavoq video atorlugu killisiuineq pillugu maleruagassat taamaaqataanik inersimasunut ineriartornermikkut akornutilinni atorneqartarsimavoq, Vestre Landsrettip eqqartuussutai UfR 2005-imi naqinneqartut, qupperneq 779, meeqqamik video atorlugu killisiuineq pillugu Danmarkimi eqqartuussisarnermik inatsimmi maleruagassanut tunngasoq, eqqaaneqareersutut tamanna pillugu Kalaallit Nunaanni eqqartuussisarnermi maleruagassanut naapertuuttoq.

2.1.2.2. Video atorlugu killisiuinermi immikkut periuseqarneq atorneqartarpoq. Tamanna pillugu maleruagassat ilaatigut Kalaallit Nunaanni eqqartuussisarnermi inatsimmi §§ 321 a aamma § 340 a-mi nassaarineqarsinnaapput. Aammattaaq Rigsadvokatens Meddelelse nr. 2/2007-imi meeqqanik video atorlugu killisiuineq pillugu najoqqutassaqqarpoq (september 2012-imi iluarsineqartoq) meeqqanik kinguaassiutitigut atonerlunneqartut pillugit sulianik suliarinninneq aamma suliani taamatut ittuni meeqqanik video atorlugu killisiuineq pillugit (matuma kingorna "RM nr. 2/2007"). Meeqqanik video atorlugu killisiuineq pillugu Danmarkimi eqqartuussisarnermi maleruagassat aamma meeqqanik kinguaassiutitigut atonerluineq pillugu pillaasarnermi suliat naammassineqarneri pillugit isumaliutissiissut nr. 1420/2002 tunuliaqutaralugit nalunaarut suliarineqarpoq. Soorlu eqqaaneqareersutut meeqqanik video atorlugu killisiuineq pillugu Kalaallit Nunaanni eqqartuussisarnermik inatsimmi maleruagassat tamanna pillugu Danmarkimi eqqartuussisarnermik inatsimmi maleruagassanut naapertuupput. Taamaattorli Kalaallit Nunaanni periuseq ataasiakkaatigut RM nr. 2/2007-imiit allaaneruvoq.

Meeqqamut kinguaassiutitigut innarliineq pillugu unnerluutiginnineq pissutigalugu video atorlugu killisiuineq RM nr. 2/2007-imi immikkoortoq 3 malillugu piaarnerpaamik naammassiniarneqartariaqqarpoq aamma, tamanna ajornangippat, unnerluutiginninnermiit sapaatip akunnerata ataatsip iluani. Killisiuinerup piaarnerpaamik naammassineqarnissaani siunertaq tassaavoq pisoq pillugu meeqqap eqqaamasaqarneranik qulakkeerinissaq. Aammattaaq meeqqap \*\*\*\*\* sukkanerusumik pisimasumik suliarinninnera aallartissinnaavoq aamma piffissami meeqqap katsorsartinneqarnerata aallartinnerani killisiuinissamut qajassuunneqarluni. Tamatuma saniatigut unnerluussinerup kinguninnguatiqut killisiuineq meeqqap ilaqtutaniit allaniillu sunnerneqarsinnaanera annikillisisinnaallugu.

Kalaallit Nunaanni eqqartuussisarnermik inatsimmi § 144, imm. 1 malillugu peqataasup qaninnermi ilisimannittutut nassuiaateqarnissamut pisussaaffeqanngillat. Aammattaaq nassuiaateqarnissamut pisussaaffeqanngilaq, ilaatigut nassuiaat ilisimannittup qaninneraanut pinerluttulerinermi inatsisitigut malersorneqarnissaanut pissutissaqartitsippat imaluunniit atugarissaarneq annaaneqarluni imaluunniit ilisimannittup qaninneraanut annertuumik allatigut ajoqusiilluni, § 144, imm. 2, nr. 2 aamma 3 naapertorlugit. Eqqartuussivilli § 144, imm. 3 malillugu pisuni taamatut ittuni ilisimannittumut nassuiaateqaaqqullugu peqqusisinnaavoq, nassuiaat suliap inerneranut pingaaruteqarluinnartutut isigineqarpat,

aamma suliap qanoq ittuunera pineqartumullu imaluunniit nunaqqataasunut taassuma pingaaruteqarnera tamatuminnga pissutissaqartitsippat.

Meeqqat anginerusut taakkuninnga ilisimannittut ilaatinnginnissaannik maleruagassanik ilisimatinneqartarput, meeqqanulli mikinerusunut aallaaviatigut tamanna angajoqqaanut (imaluunnit angajoqqaat arlaannut) ilisimannittutut ilaatinneqannginnissaq pillugu apeqqutaasinnaasunut isummernissaq isumagisassangortinneqartarluni. RM nr. 2/2007-imi immikkoortoq 3 naapertorlugu.

Meeqqamik politiit video atorlugu killisiuinerat angajoqqaatut oqartussaasunit isumaqataalluni nalunaaruteqarnissamik pisariaqartitsinngilaq, kisiannili politiit meeqqamik killisiuissanngitsut angajoqqaatut oqartussaasut erseqqissumik nalunaaruteqarpata politiit meeqqamik killisiuisussaanatik. Angajoqqaatut oqartussat marluuppata, taakkalu arlaat ataaseq pasineqarpat aamma meeqqamik politiit killisiuinissamut akerliuppata, angajoqqaatut oqartussap aappaa tamatumunnga akerliliinngippat politiit killisiuisinnaapput. RM 2/2007-imi immikkoortoq 3-mut innersuussisoqarpoq.

Meeqqamut angajoqqaatut oqartussaasoq ataasiinnaappat, taannalu meeqqap politiit killisiorneqarnissaanut akerliliippat, imaluunniit angajoqqaatut oqartussaasut marluullutik video atorlugu killisiuinissamut akerliliippata, sioqqutsisumik uppersaasoqarnissaa pillugu Kalaallit Nunaanni eqqartuussisarnermik inatsimmi § 343 malillugu eqqartuussinissaq sioqqullugu meeqqamik killisiuinissaq siunertaralugu apeqqut politiit eqqartuussivimmuut saqqummiussinnaavaa. Tamatuma kingorna eqqartuussiviup meeqqap nassuiaateqarnissaanut peqqusinnaavaa, § 144, imm. 3 naapertorlugu. Taamatut eqqartuussinissaq sioqqullugu meeqqamik killisiuinerit – soorlu aamma eqqartuussivik avaqqullugu politiit killisiuineri – video atorlugu killisiuinerit ingerlanneqassapput. Taamatut eqqartuussinissaq sioqqullugu video atorlugu killisiuinerimi, killisiuinerup ingerlanneqarnerani - inimi nakkutilliffiusumi eqqartuussisoq najuutissaaq.

Video atorlugu killisiuineq immikkut ilinniarsimasumik politiit ingerlanneqassaaq. Politiit taassuma video atorlugu killisiuinissaq sioqqullugu meeqqap angerlarsimaffianut meeqqamut pulaartariaqarpoq, RM nr. 2/2007-imi immikkoortoq 6.1 naapertorlugu. Taamaalilliuni politiit ilaatigut meeraq pillugu paasisaqarsinnaavoq, tassunga ilanngullugu meeqqap perorsimanera oqaatsitigullu inerissimanera. Tamanna aamma meeqqap

toqqissisimanerulerneranut iluaqutaasinnaavoq, killisiuineq inummit meeqqamut siusinnerusukkut ilisaritinneqarsimasumit ingerlanneqarluni.

Video atorlugu killisiuinerup aqqissuussinerup ilagaa meeqqamik killisiuineq inini meeqqamut toqqissisimanartunik ingerlanneqarnissaa. Kalaallit Nunaanni – Danmarkimisulli – meeqqanut illoqanngilaq, tassani politiit video atorlugu killisiuinerat ingerlanneqarsinnaalluni, aamma Kalaallit Nunaanni politeqarfinni immikkut aqqissugaasunik inini video atorlugu killisiorfinnik peqanngilaq. Akerlianilli video atorlugu killisiuinerit inini allani naleqquttuni ingerlanneqassallutik.

Meeqqamut apeqqutit tamarmik immikkut ilinniagaqarsimasumit politiimit apeqqutigineqassapput. Killisiuineq RM nr. 2/2007-imi immikkoortoq 8.5 malillugu allamut atassuteqanngitsumik persuarsuunngitsumik meeqqamik oqaloqateqarnermik aallartinneqartariaqarpoq, meeqqap toqqissisitinnissaanik siunertaqartoq aamma apeqqutit apeqqutigineqartut meeqqamit paasineqarsinnaanersut akineqarsinnaanersullu nalilerneqarlutik. Tamatuma kingorna siusissuklut killisiuinerup pissutaasoq meeqqamut nassuiarneqartariaqarpoq, soorlu aamma – imatut meeqqap ukiuinut naapertuuttumik, aamma tutsuiginanngitsutullu isigineqanngitsumik – nalunaarutigineqartariaqartoq meeqqap eqqortumik akisarnissaa pingaaruteqartoq. Tassunga ilanngullugu meeqqamut nassuiarneqartariaqarpoq imatut oqarluni akineq “naluaara”, “eqqaamanngilara” imaluunniit “paasinngilara” akuerineqarsinnaasoq.

Immikkut ilinniagaqarsimasup politiip aamma meeqqap saniatigut inummik toqqissisimalersitsisumik taaneqartumik (assersuutigalugu meeqqap meeqerivianiit perorsaasoq) imaluunniit oqalutsimik inimi killisiuiffiusumi najuuttoqarsinnaavoq.

Video atorlugu killisiuineq tamatuma ingerlanneqarnerani inimi allami (inimi nakkutilliivimmi) skærmikkut malinnaavigineqarsinnaavoq. Tassani illersuisoq aamma politeq il.il. malinnaasinnaapput.

Video atorlugu killisiuinerup naammassineqarnissaa sioqqullugu pasineqartumut illersuisussamik pissarsisoqassaaq, pineqartoq nammineq illersuisussaminik toqqaasimangippat, imaluunniit illersuisussaq toqqaarneqartoq takkutinngitsoorpat, Kalaallit Nunaanni eqqartuussisarnermik inatsit § 321 a naapertorlugu Illersuisoq killisiuinerup

malinnaanissaminut pisussaaffeqarpoq (inimit nakkutillivimmiit), § 340 a, imm. 1 naapertorlugu.

Immikkut ilinniagaqarsimasoq politeeq naleqquttutut isigineqartunik meeqqamut apeqquteqareerpat, killisiuinermi unikkallartoqassaaq, inimit nakkutilliivimmiit killisiuinermik malinnaasimasunik inunnik meeqqamut allanik apeqquteqartoqassanersoq politeeq eqqartuisinnaalluni, RM nr. 2/2007-imi immikkoortoq 8.5 naapertorlugu. Tassunga atatillugu meeqqamut apeqqutit pillugit illersuisup qinnuteqaatai immikkut pingaartinneqartariaqarput.

Pasisaasoq video atorlugu killisiuinermik malinnaaqqusaanngilaq, kisianni sapinngisamik piaanerpaamik illersuisuni peqatigalugu videomik immiussaq politiini isiginnaarsinnaallugu, Kalaallit Nunaanni eqqartuussisarnermik inatsit § 340 a, imm. 2, oqaaseqatigiit siulliit aappaallu naapertorlugu

Aalajangersakkap piareersarneqarnera malillugu (Folketingstidende 2013-14, A. L, 120 saqqummiunneqartoq, qupperneq 14) anguniarneqartariaqarpoq video atorlugu killisiuinerup naammassineqarnerata sapinngisamik piaanerpaamik videokkut immiussaq misissussagaa – ajornanngippat ulloq taanna – aamma killisiuinerup kingorna sapinngisamik sapaatip akunnerata ataatsip marlullu akornanni.

Pasineqartoq taassumaluunniit illersuisua video atorlugu killisiuinermik misissuereernerup kingorna noqqaasinnaavoq meeqqamik killisiueqqittoqassasoq, Kalaallit Nunaanni eqqartuussisarnermik inatsimmi § 340 a, imm. 2, oqaaseqatigiit pingajuat naapertorlugu Taamaalilluni pasineqartoq meeqqamut apeqquteqarnermigut illersornissaminut periarfissaqarpoq.

Killisiueqqinneq piareersaatit malillugit (Folketingstidende 2013-14, A, L 120 saqqummiunneqartoq, qupperneq 14) meeraq eqqarsaatigalugu taamaallaat pisinnaavoq pasineqartup illersornerminik isumaginninneranut naammaginartumik tunngavissaqarpat. Meeqqamik killisiueqqittoqassanersoq pillugu apeqqut aalajangersimasumik naliliineq aallaavigalugu aalajangiiffigineqassaaq, tassani ilaatigut pingaartinneqarluni meeqqamik siullermik killisiuisoqarnerata kingorna paasissutissanik nutaanik takkuttoqarsimanersoq, pasineqartoq taassumalu illersuisua meeqqamut naleqquttunik nutaanik



apeqquteqarusunnersut, imaluunniit allatigut killisiueqqittoqarnissaanut immikkut allanik pissutissaqarnersoq.

Killisiueqqittoqarnissaa pillugu qinnuteqarneq Kalaallit Nunaanni eqqartuussisarnermik inatsimmi § 340 a, imm. 2, oqaaseqatigiit pingajuat malillugu videomik immiussap misissorneqareernerata kingunitsiannguagut pissaaq. Aalajangersakkap piareersarnera malillugu (Folketingstidende 2013-14, A, L 120 saqqummiunneqartoq, qupperneq 14) qinnuteqarneq aallaaviatigut meeqqamik siullermik killisiuinerup immiunneqarneranik pasineqartup misissuereernerata kingorna sapaatit akunneri marluk qaangiutsinnagit saqqummiunneqassaaq.

Killisiueqqinnissaq pillugu qinnuteqaat kingusinnerusukkut saqqummiunneqarpat, killisiueqqinnerup ingerlanneqarnissaa pillugu naliliinermi pingaartinneqassaaq meeqqap eqqarsaatiginerani pissutigalugu – pingaartumik siullermik killisiuisoqarneraniit piffissaq ingerlasimasoq pissutigalugu – meeqqap kingumut killisiorneqarnissaa ingerlanneqartariaqarnani. Naliliinermi aamma ilanngunneqassaaq killisiueqqinnissaq pillugu taamatut kingusitsigisumik suna pissutaanersoq, tassunga ilanngullugu kingusissukkut qinnuteqarneq pasineqartup nammineq pissutaanik peqquteqarnersoq.

Illuani politiit aamma unnerluussisuutitaasut akornanni aappaanilu pasisap taassumaluunniit illersuisuata akornanni video atorlugu killisiuinerup ingerlanneqarnera pillugu isumaqatigiinngissutaasinnaasoq, tassunga ilanngullugu meeqqamik killisiueqqittoqassanersoq pillugu apeqqut, Kalaallit Nunaanni eqqartuussisarnermik inatsimmi § 341 malillugu eqqartuussivimmuut suliaassanngortinneqassaaq.

Eqqartuussutissap isumaqatiginniutigineqarnerani uppersaaitut video atorlugu killisiuinerit atorneqarnera – eqqartuussivimmi eqqartuussisuusunut ilisimannittutut meeqqap nassuiaateqarneranut taartaammat – uppersaaserup erniinnaartuunera pillugu pingaarutilimmik tunngavimmik saneqqussinerummat, Kalaallit Nunaanni eqqartuussisarnermik inatsimmi § 467 a-mut piareersarneq malillugu (Folketingstidende 2013-14, A, L 120 saqqummiunneqartoq, qupperneq 15) video atorlugu killisiuinerup uppersaaitut atorneqarnissaanut tunngaviuvoq § 340 a-mi periusissap video atorlugu killisiuinerup ingerlanneqarneranut atatillugu malinneqarsimanissaa.

Aammattaaq video atorlugu killisiuinermit atatillugu najoqqutassap avaqqunneqarsimanerata qanoq ittuunera pingaaruteqarnera apeqqutaassaaq, video atorlugu killisiuineq eqqartuussutissap isumaqatiginniutigineqarnerani uppersaaitut atorneqarsinnaanersoq. Assersuutigalugu sangutitsiniarluni meeqqamut apeqqutit pillugit akerliliinerit imaluunniit killisiuinermit inuk toqqissisimanartuusussaq akuliussimananersoq video atorlugu killisiuineq suliameq uppersaaitut takutinneqarsinnaannginneranik nalinginnaasumik kinguneqartariaqanngilaq. Taamaalilluni uppersaaitut killilersorneqarnani naliliineq pillugu tunngavik naapertorlugu eqqartuussivik eqqartuussisoq aalajangiisariaqarpoq taamaattoqassappat video atorlugu killisiuinerup ingerlanneqarnerani taamatut ittunik kukkusoqarsimanera video atorlugu killisiuinerup uppersaaitut atorneqarnissaanut pingaaruteqartariaqarnera.

## *2.2. Inatsisissatut siunnersuutip imarisaa*

### *2.2.1. Nalinginnaasumik eqqarsaatersuutit*

#### *2.2.1.1. Strafferetsplejeudvalgip eqqarsaatersuutai*

Video atorlugu killisiuinermit aqqissuussinerup annertusineqartariaqarnera pillugu atuuffia pillugu nalilersuineq Strafferetsplejeudvalgip isumaa malillugu uppersaaitut erniinnaartuuneranik aamma pasineqartup illersornissaminut periarfissaqarneranik eqqarsaatiginninnermit kiisalu meeqqap inuusuttulluunniit illersorneqarnissaanik eqqarsaatiginninnermit aamma pineqartumiit nangaassuteqanngitsumik peqqissaartumillu nassuiaateqarnissaata anguneqarnissaata eqqarsaatiginninnermit oqimaqatigiissitsinermit aallaaveqarluni isumagineqassaaq.

Strafferetsplejeudvalgip isumaa malillugu meeqqat inuusuttullu ilisimannittut imaluunniit eqqunngitsuliorfigineqarsimasutut eqqartuussivinnik naapitsinerat sapinngisamik qajassuussisumik pinissaa annertuumik pingaartinneqassaaq, aamma meeqqap inuusuttulluunniit pisup qaangernissaanut pisariaqanngitsunik akornusiisoqannginnissaa aamma pisariaqartumik tarnip pissusaanik ilisimasalimmik katsorsarneqarlutik il.il.

Suliap aalajangersimasup qanoq ittuunera aamma meeqqap inuusuttulluunniit inuttut pissusaa apeqqutaatillugit politiini killisiuinermit ileqquusumik periuseqarneq kingusinnerusukkullu

eqqartuussutissap isumaqatiginniutigineqarnerani eqqartuussivimmi ilisimannittuuneq pineqartumut annertuumik artukkiisinnaavoq. Tamatumunnga ilaatigut pissutaavoq eqqartuussivimmi killisiorneqarnerup kingunerimmagu meeraq inuusuttorluunniit – toqqissisimananngitsuni inunnut takornartanut immaqalu politiinut unnerluussinerup kingunerujussuatigut ajoqusernermik kingunerlutsitsisimasinnaanera pillugu oqaluttuarsinnaanerat. Tamatuma kingunerisinnaavaa meeqqamut inuusuttumulluunniit kingumut kingunerlutsitseqqissinnaanera. Aammattaq unnerluuussoq illersuisorlu – politiit video atorlugu killisiuisartunut sanilliullugit akerliusumik – meeqqanik inuusuttunillu killisiuinissamut immikkut ilinniarsimasuunngillat. Soorlu aamma eqqartuussivimmi avatangiisit killisiueriaatsillu meeqqanut inuusuttunullu tulluarpiartuunatik.

Politiinut unnerluussinermit aamma politiini killisiorneqarnermit eqqartuussutissap isumaqatigiinniutigineqarnissaanut piffissaq utaqqiffiusoq, tassani meeraq inuusuttorluunniit ilisimannittut killisiorneqartussaalluni, annertuumik artukkiisuuvoq. Avatangiisini sungiusimanngisani unioqqutitsisimaneraaneq pillugu oqaluttuartussanngorneq aamma immikkoortut pingaarutillit puigornissaannik annilaanganeq meeqqamut inuusuttumulluunniit annertuumik artukkiisinnaapput, aammattaarlu pasinapiluttut misigisinnaallutik, pasineqartup eqqartuussaanaata pasineqarnissaata tunngaanut, aamma misigalugu ilaqutariit meeqqamut inuusuttumulluunniit upperinnittut aamma pasineqartumut upperinnittut akornanni avissaartuuttoqarsimanera. Taamatut akerlerinneq pinngitsoorani suliameq eqqartuussummik aalajangiisoqarneratigut tamatigut inaarneqarneq ajorpoq.

Piffissaq utaqqiffiusoq taamaattumik meeqqap inuusuttulluunniit pisumik qaangiisinnaaneranut akornusiisinnaavoq, annertuutigullu pineqartup tarnikkut pissutsinik ilisimasalinnik katsorsarneqarnissaa sapernerulersillugu.

Meeqqamut inuusuttumulluunniit artukkiineq eqqartuussut suliassanngortinneqaqqippat suli sakkortusineqassaaq.

Video atorlugu killisiuineq taamaaqataanik meeqqamut inuusuttumulluunniit artukkiinngilaq. Aaqqissuussinerup taamaalilluni kingunerisaanik aallaaviatigut killisiuineq politiinut unnerluussinerup kingorna piaarnerpaamik immikkut ilinniagaqarsimasumit inini toqqissisimanartuni ingerlanneqarluni, tamatumalu kingorna meeraq inuusuttorluunniit

aallaaviatigut killisiorneqaqqinnani aamma suliami peqataaqqittariaqarnani. Taamaattorli pineqartup video atorlugu killisioqqinneqarnissaa pisariaqarsinnaalluni.

Meeqqat inuusuttullu, innarliinermi pasineqartup pisuuneranik eqqartuussiviup inaarutaasumik paasisaqarneranik pisariaqartitsisut, pisimasoq qaangersinnaajumallugu, video atorlugu killisiuineramik aaqqissuussinerup kingorna aamma eqqartuussutissaq utaqqisariaqarpaat.

Videoli atorlugu killisiuineq ilisimannittut eqqartuussisunut aamma eqqartuussutissap isumaqatiginniutigineqarnerani saqqummersinnissaat pillugu pingaarutilimmik tunngavimmik saneqqussineruvoq, tassa eqqartuussutissap isumaqatiginniutigineqarnerani taamaallaat paasiniaanerup nalaani meeqqamik inuusuttumilluunniit politiit killisiuinerannik videokkut immiussaq kisimi takutinneqassammat.

Uppernarsaanerup piaartumik pinissaa pillugu tunngaviup ilaatigut siunertaraa ilisimannittut nassuiaataannik naliliinissamut sapinngisamik pitsaanerpaamik eqqartuussiviup tunngavissinneqarnissaa taamaalillunilu pillaasarnermi suliani eqqortumik aalajangiisoqarluni (Kalaallit Nunaanni pinerluttulerisarnermi suliani). Eqqartuussisut eqqartuusseqataasullu taamaalillutik killisiuinerup ingerlanneqarnerata nalaani, malinnaaffigippassuk ilisimannittumik paasisaqarnissamut aamma nassuiaatip tatiginartuuneranik pitsaasumik periarfissaqalissapput. Aammattaaq ilisimannittup nassuiaataa pissutigalugu apeqquteqarnissamut periarfissaqassallutik.

Eqqartuussivimmuut piaartumik tunniunneqartup uppersaatip nalinga taamaalilluni suliap paasinierneqarnera nassuiaammiit qaffasinnerusaaq.

Eqqartuussiviup initaani nammineq takkunnikkut ilisimannittumik killisiuinerup aamma pisup ilungersunartuunera ilisimannittumut malunniutissaaq aamma eqqunngitsumik nassuiaasoqarsinnaanerata pinngitsoortinnissaanut peqataasinnaalluni.

Eqqartuussutissap isumaqatiginniutigineqarnerani ilisimannittunik killisiuinerami, suliap naammassillugu paasinierneqarsimanerata kingorna, aamma paasinarpoq suliami allanik uppersaateqartillugu, aamma qulakkeerseqassaaq unnerluussisup kiisalu illersuisup ilisimannittumik killisiuinerami unnerluussummut qaqinneqartumut sammititsisinnaanera

aamma tamakkiisumik paasissutissiinermik tunngaveqartumik ingerlanneqarluni, tassunga ilanngullugu ilisimannittup nassuiaataata aamma suliami uppersaatit allat akornanni akerleriittoqarsinnaanerani apersuinissamut periarfissaqarluni. Aammattaaq qulakkeerreqarpoq killisiuineq ingerlanneqassammat piffissami illersuisoq pasineqartoq peqatigalugu suliami illersuinissamik piareersarnissamut periarfissaqarsimallutik.

Video atorlugu killiusineq akerliatigut paasiniaanerup nalaani siusissorujussuakkut ingerlanneqakkajuttarpoq, suliaq suli tamakkiisumik paasisaqarfigineqanngitsoq.

Video atorlugu killisiuineq eqqartuussutissap isumaqatiginniutigineqarnerani killisiuinentulli ilisimannittumik taamaaqataanik killiusinissamut illersuisumut periarfissiinngimmat video atorlugu killisiuineq pasineqartup illersornerminik isumaginninnera ajornerulersissinnaavaa.

Strafferetsplejeudvalgip isumaa malillugu video atorlugu killiusineq, politiinut unnerluussinerup kinguninnguatigut meeqqanut inuusuttunullu ajunngitsunik avatangiisini immikkut ilinniagaqarsimasumit video atorlugu killisiuisartumit ingerlanneqartoq, pisut ilaanni eqqartuussutissap isumaqatiginniutigineqarnerani eqqartuussivimmi killiusinermiit meeqqamit inuusuttumilluunniit nangaassuteqanngitsumik sukumiisumillu nassuiaasoqarnerup anguneqarnissanut tulluarnerusinnaavoq. Tamanna pingaartumik meeqqanik nukarliunerusunik killisiuinermi atuuppoq.

Iluatungeriit tamaasa qajassuunerini oqimaaqatigiissitsinermut aamma ilaassaaq eqqartuussivimmi killisiuinermi meeqqamik inuusuttumilluunniit illersuinissamut qanoq iliornissamut piareersaanissamut periarfissaqarmat taamaalillunilu pineqartup nassuiaateqarnissaa oqinnerulersillugu, tassunga ilanngullugu matut matoqqatillugit killisiuisoqarneratigut aamma pasineqartup najuutinngineratigut ingerlanneqarneratigut kiisalu inimi eqqartuussiviunngitsumi allami killisiuinerup ingerlanneqarneratigut. Qanoq iliornissamut piareersaatit taakkuli eqqartuussutissap isumaqatiginniutigineqarnerani meeqqap inuusuttullu nassuiaateqarnissaa allanngortinngilaa, taamaalillunilu video atorlugu killisiuinentulli suliap paasinierneqarneranili meeqqap inuusuttulluunniit suliap qaangiinissanut periarfissiinani.

Strafferetsplejeudvalgip isumaa malillugu meeqqap eqqaamasaqarnerata qulakkeerreqarnissanut eqqarsaatiginnineq aamma ilaqtariinniit allaniillu meeqqap

sunnerneqarsinnaanera pinngitsoortinneqarluni – tamannalu maleruagassat atuuttut malillugit meeqqanik 13-it inorlugit ukiulinnik video atorlugu killisiuinermi siunertanut ilaalluni – video atorlugu killisiuinermik aaqqissuussinerup annertusineqarnissaa pillugu nalilersuinermi annikinnerusumik pingaartinneqarpoq, tassa meeqqap ukiui ineriartorneralu naapertorlugit mianerinninnerup kimeqarnera annikillartormat.

Video atorlugu killisiuinermik aaqqissuussinerup maanna atuuffia, meeqqanik video atorlugu killisiuineq pillugu Danmarkimi eqqartuussisarnermik inatsimmi aalajangersakkamik 2003-mi eqqussineq sioqqullugu eqqartuussutissap isumaqatigiinniutigineqarnera sioqqullugu nassuiaatit saqqummiunneqartut eqqartuussutissap isumaqatigiinniutigineqarnerata nalaani uppersaatit atorneqarneri pillugit inatsimmi nalinginnaasunik maleruagassanik tunngaveqarlutik ineriartornermik periutsimik tunngaveqarpoq.

2003-mili EU-mi aamma Europarådimi Strafferetsplejeudvalgi naapertorlugu ineriartortoqarsimavoq pillaasarnermi suliani (pinerluttulerinermi suliani) meeqqanik inuusuttunillu video atorlugu killisiuinerit annertusiartortumik atorneqalersimallutik. Nunani avannarlerni nunanilu allani video atorlugu killisiuinermik aaqqissuussinerup atuuffik aamma Danmarkimi aaqqissuussinerup atuuffiusumit annertuneruvoq.

Ataatsimut isigalugu Strafferetsplejeudvalgi isumaqarpoq video atorlugu killisiuinermik aaqqissuussinerup atuuffiata annertusineqarnissaanik tunngavissaqartoq. Ataatsimiititali uppersaanagerup erniinnaartuussaanera pillugu tunngavik pingaarutilik aamma pasineqartup illersornissaminik periarfissaqarnissaata eqqarsaatigineqarnissaa annertuumik pingaartippai. Aaqqissuussinerup annertusiner taamaattumik ataatsimiitsitaliap isumaa naapertorlugu meeqqap inuusuttulluunniit illersorneqarnissaanik eqqarsaatiginninneq immikkut pingaartinneqarneranut killeqartinneqartariaqarpoq. Isumaliutissiissutip qallunaatuani qupperneq 121-133-mut innersuussisoqarpoq.

#### *2.2.1.2. Justitsministereqarfiup eqqarsaatersuutai*

Strafferetsplejeudvalgip eqqarsaatersuutaanut aamma video atorlugu killisiuinermik aaqqissuussinerup atuuffiata annertusineqarnissaanut tunngaveqartoq pillugu ataatsimiitsitaliap inerniliussaanut tamarmiusumut Justitsministereqarfik isumaqataavoq .

Ministereqarfik isumaqataavortaaq annertusisitsinermut killilersuisoqartariaqalissappat, meeqqap inuusuttulluunniit illersorneqarnissaata pingaartinneqarnerunissaa peqqutaappat.

Taamatut inatsisissatut siunnersuummi taamaalilluni video atorlugu killisiuineramik aaqqissuussinerup taamatut annertusineqarnissaa siunniunneqarpoq, ataaniittumi 2.2.2 naapertorlugu. Tassunga atatillugu aaqqissuussinermi allannguutissat allat siunnersuutigineqarput, ataaniittumi imm. 2.2.3-2.2.5 naapertorlugu Taakku saniatigut aaqqissuussinermi allannguisoqarnissaa siunniunneqanngilaq, taamaalillu allatigut ingerlatiinnarnissaa tunngavigineqarluni.

## *2.2.2. Video atorlugu killisiuineramik aaqqissuussinerup atuuffia*

### *2.2.2.1. Strafferetsplejeudvalgip eqqarsaatersuutai*

#### *2.2.2.1.1. Pingaarnertut eqqarsaatersuutit*

Strafferetsplejeudvalgi imm. 2.2.1.1-imi eqqaaneqartutut isumaqarpoq video atorlugu killisiuineramik aaqqissuussinerup annertusineqarnera meeqqap inuusuttulluunniit illersorneqarnissaanik siunertaqarneq immikkut pingaartinneqarneranut killeqartinneqartariaqarpoq. Tamanna imaappoq aaqqissuussineq imatut aaqqissuunneqassasoq suliani ataasiakkaani tamani nalilerneqartassasoq taamatut eqqarsaatiginnittoqarnera. Ataatsimiititali siunnersuutigaa aaqqissuussinerup siumut naatsorsuisinnaassusianik aamma allaffissornikkut suliassanik eqqarsaatiginninnermi meeqqanik video atorlugu tamatigut killisiuisoqarsinnaaneranut pissutsit arlallit taagorneqassasut, tassa pisuni taakkunani pineqartup illersorneqarnissaanut amerlanertigut immikkut eqqarsaatiginnittarnissaq naatsorsuutigineqarmat.

Peqatigisaanik ataatsimiititaliamit siunnersuutigineqarpoq eqiteruffiusumik aalajangersakkamik ikkussisoqassasoq, taassuma kingunerisaanik aalajangersimasumik naliliisoqarneratigut meeqqanik inuusuttunillu allanik video atorlugu killisiuisoqarsinnaalluni.

Tamatigut video atorlugu killisiorneqartartussat aalajangersarnerisigut Strafferetsplejeudvalgi isumaqarpoq aallaaviatigut pineqartup ukiui aamma inatsisip unioqqutitsinerusinnaasup

suunera aallaavigineqartariaqartut. Ataatsimiititaliamit arajutsineqanngilaq piunasaqaatit taakku meeqqap inuusuttulluunniit illersorneqarnissaannik pisariaqartitsineranut pinngitsooratik aalajangiisuussanngitsut. Meeraq inuusuttorluunniit tamatigut video atorlugu killisiorneqartussanut taakkuninnga ilaangippat, kisiannili pineqartumut eqqarsaatigisassat taakku atuullutik, pisut naapertorlugit eqikkaalluni aalajangersagaq siunnersuutigineqartoq malillugu video atorlugu killisiuisoqarsinnaassaaq.

Video atorlugu killisiuinerup ingerlanneqarnissaanut piunasaqaatit naammassineqarsimaneriniq naliliineq Strafferetsplejeudvalgip isumaa malillugu – soorlu ullumisut – pineqartumik siullermik video atorlugu killisiuinerumut piffissami ingerlanneqassaaq.

Isumaliutissiissutip qaallunaatuani qupperneq 136-137-mut aamma 147-148-mut innersuussisoqarpoq.

#### *2.2.2.1.2. Meeqqat 13-it inorlugit ukiullit*

Video atorlugu killisiuinerumik aaqqissuussineq atuuttoq malillugu meeqqanik 13-it inorlugit ukiulinnik video atorlugu killisiuisoqarsinnaavoq. Strafferetsplejeudvalgip siunnersuutigaa aamma siunissami taamatut ukiulinnik video atorlugu killisiuisoqartassasoq, tassunga atatillugu tunngavigalugu meeqqat taakku qanoq ilinerani video atorlugu killisiorneqartarnerat pillugu periuseq atorneqartoq tamarmiulluni ingerlateqqinneqassasoq.

Isumaliutissiissutip qaallunaatuani qupperneq 137-mut innersuussisoqarpoq.

#### *2.2.2.1.3. Meeqqat 13-14-inik ukiullit kinguaassiutitigut pinerluttuliornermi, qanigisarluinnarmik atoqateqarneq imaluunniit ilaqutariinni persuttaasarneq pillugit suliat*

Meeqqat taakku, tamatigut video atorlugu killisiorneqartartussat pillugit aalajangersaanermi tulliatut Strafferetsplejeudvalgi isumaa malillugu 15-nik ukioqalernissamut ukiut killilerneqarneri pissusissamisoorpoq. Taamatut ukiunik killiliinermi taamaalilluni aamma inatsimmiittut allat atorneqarput.



Ukiunik 15-nik ukiutigut killiliineq aamma kinguaassiutitigut appasinnerpaamik ukioqarnissamut naapertuuppoq. Kinguaassiutitigut pinerluuteqarneq pillugu suliani, video atorlugu killisiunermik aqqissuussinerup atuuffianut annertuumik pingaaruteqartumi, eqqunngitsuliorfigineqarsimasoq pisup nalaani piffissami 15-inik ukioqalersimappat uppersaanermi sammineqartartoq pingaaruteqarluinnartoq tassaasarpoo kinguaassiutitigut pissutsit nammineq kajumissuseqarnermik pisimansoq. Suliani taamatut ittuni eqqunngitsuliorfigineqarsimasup tatiginartuuneranik naliliinermi eqqartuussiviup pitsaanerpaamik tunngavissaqarnissaa siunertaralugu killisiuineq eqqartuussutissap isumaqatigiinniutigineqarnerata nalaani aallaaviatigut killisiuineq ingerlanneqartariaqarpoq.

13-14-inik ukiulinni meeqqanik taakkuninnga, tamatigut video atorlugu killisiorneqartartussani aalajangersaanermi Strafferetsplejeudvalgip isumaa malillugu tulliatut inatsisinik unioqutitsinerit assigiinngitsut akornanni immikkoortitsisoqassaaq.

*Kinguaassiutitigut pinerluuteqarneq imaluunniit qanigivallaakkamik atoqateqarneq* pillugu suliani meeqqamik artukkiineq pingaartumik annertusarpoq, ilaatigut atoqatigiinnermut inummullu tunngasunik suliani taamatut ittuni meeqqap pisuussuteqarnermik kanngusunermillu misigisaqartarnera pissutigalugu.

Strafferetsplejeudvalgi taamaattumik isumaqarpoq kinguaassiutitigut pinerluuteqarneq imaluunniit qanigivallaamik atoqateqarneq pillugu suliani 13-14-inik ukiulinnik meeqqanik tamatigut video atorlugu killisiuisoqartarsinnaavoq.

Strafferetsplejeudvalgip isumaa naapertorlugu tamanna atuuttariaqarpoq, meeraq eqqunngitsuliorfigineqarsimansoq imaluunniit kinguaassiutitigut pinerluuteqarnermik imaluunniit qanigivallaamik atoqateqarnermik pasisaqarnermi ilisimannittuunersooq apeqqutaatinnagu. Allamut taamatut pinerluffigineqartumut ilisimannittumik meeqqamik illersuinissamik eqqarsaatiginninneq taamaalilluni ataatsimiitsitaliap isumaa malillugu pinerluuteqarnermi meeqqap nammineq eqqunngitsuliorfigineqarsimasup illersorneqarnissaanik eqqarsaatiginninnertullu pingaaruteqartigaaq. Ataatsimiitsitaliap aamma pingaartippaa video atorlugu killisiuineq amerlanertigut paasiniaanerup nalaani siusissorujussuakkut ingerlanneqartarmat, assersuutigalugu meeqqap qatannigutaanut imaluunnit inuttaanut taamatut pinerluuteqarnikkut eqqunngitsuliornermut kinguaassiutitigut pinerluuteqarnermik imaluunniit qanigivallaamik atoqateqarnermik ilimagisamut meeraq kisimiilluni ilisimannittuunersooq tamatigut nalilerneqarsinnaanani.

Kinguaassiutitigut pinerluuteqarneq imaluunniit qanigivallaakkamik atoqateqarneq pillugu suliani 13-14-inik ukiulinni meeqqanik artukkiineq Strafferetsplejeudvalgip isumaa malillugu amerlanertigut annertusarpoq, meeraq angajoqqaami arlaannit imaluunniit qanigisaminit persuttarneqarsimanissaa ilimagineqarpat imaluunniit inunnit taakkunaniit meeqqap qanigisaanut allanut persuttaanerani takunnissimasutut ilimagineqarpat (ilaqutariinni persuttaaneq). Tamatumunnga ilaatigut pissutaasarpoq pasisamut meeqqap atalluinnarnera aamma meeqqap atugaa tatiginninnikkut akerleriinneq, kiisalu suliap ingerlanerani meeqqap taamaaqataanik tapersorsorneqanngitsoorsinnaanera, inummit allamit innarliineq ilimagineqartoq ingerlanneqarsimagaluarpat.

Strafferetsplejeudvalgip taamaattumik siunnersuutigaa paasiniaaneq toqutsinermut imaluunniit persuttaanermut imaluunniit taamatut misiliinermut tunngappat 13-14-inik ukiulinnik meeqqanik tamatigut video atorlugu killisiuisoqartassasoq, meeraq taassumaluunniit qanigisaata arlaat eqqunngitsuliorfigineqarsimalluni, pasisaasorlu meeqqap qanigisaanut ilaalluni.

Strafferetsplejeudvalgip siunnersuutaa malillugu video atorlugu killisiuineq taamaalilluni pisuni tamani atorneqartussaassaaq, meeqqap ilaqutaaniit meeqqamut 13-14-inik ukiulimmut persuttaasoqarsimanerani imaluunniit assersuutigalugu meeqqap angajoqqaavisa arlaat angajoqqaap aappaanut imaluunniit meeqqap qatanngutaanut persuttaasimanerani pasinnittoqartillugu. Akerlianilli inummit allamiit 13-14-inik ukiulimmut persuttaaneq pillugu suliat aaqqissuussinermut siunnersuutigineqartumut ilaassanngillat. Aamma 13-14-inik ukiulik assersuutigalugu meeqqap angajoqqaavisa arlaannit imaluunniit qatanngutaanit inummut allamut persuttaanermut ilisimannittuuneq ilaassanngilaq.

Strafferetsplejeudvalgip eqqarsaatigisimavaa unioqqutitsinerit ilai aalajangersimasut, 13-14-inik ukiulinnik meeqqanik tamatigut video atorlugu killisiorfigineqartussani suliani immikkoortuni allaaserineqartuniit peerneqassanersut. Ataatsimiitsitaliap immikkut eqqarsaatigisimavaa kanngutsaatsuliorfigineqarnermi kinguaassiutitigut attuuannittoqarnani pinerluttuliorneq, assersuutigalugu eqqunngitsuliorfigineqartoq tamanut ammasumi nalikkaanik nittarsaasoqarluni, imaluunniit ilaqutariinni persuttaaneq pillugu suliat, annikitsumik persuttaanerit ilaatinnginneqassanersut.

Taamaattorli video atorlugu killisiuineq eqqaaneqartutut suliamik paasiniaanermi siusissorujussuakkut ingerlanneqartarpoq, taamaalinerani pinerluutip qanoq eqqissaarnera oqaatigiuminaassinnaalluni – assersuutigalugu attuuannittoqarnani kannguttaaliorfigineqarneq pineqarnersoq imaluunniit allatigut kinguaassiutitigut pinerluttuliorqarnersoq – taamaalilluni nalileruminaalluni video atorlugu killisiuineramik aaqqissuussineq atorneqassanersoq nalileruminaalluni. Tassunga aamma ilanngutissaaq attuuannittoqarnani kanngutsaatsuliorfigineqarneq pisup qanoq ittuunera apeqqutaalluni meeqqamut immikkut artornartuusinnaammat. Annikitsumik persuttaanerit eqqarsaatigalugit taakku eqqarsaatigisassat aamma atuupput.

Tamanna tunuliaqutaralugu Strafferetsplejeudvalgi isumaqarpoq 13-14-inik ukiulinnik meeqqanik video atorlugu tamatigut killisiorneqarfiusussani sulianit taakkunanga unioqutitsinerit ilaatinnginnissaannut tunngavissaqanngitsoq.

Tassunga atatillugu Strafferetsplejeudvalgimit malugineqarpoq politiit aamma unnerluussisuutitaasut pinngitsooratik video atorlugu killisiuisariaqanngitsut, naak video atorlugu tamatigut killisiuisoqarfiusussani sulianut suliaq ilaagaluartoq. Video atorlugu killisiuineq taamaalilluni assersuutigalugu ingerlanneqassanngilaq suleriaatsip taassuma atorneqarnissaanik meeraq pisariaqartitsinngitsoq nalilerneqarpat. Aammattaaq video atorlugu killisiuisoqartariaqanngilaq erseqqissumik paasinarpas pillaasarnermik suliap (pinerluttulerinermi suliami) ingerlanneqarnissaanut meeqqamiit ilisimannittutut nassuiaasoqarnissaa pisariaqanngippat, assersuutigalugu suliami allanik ilisimannittoqarpat, imaluunniit eqqartuussisoqarnissaanut teknikikkut uppernarsaatit naammattut unnerluussisuutitaasut naliliippata – assersuutigalugu internetikkut kanngutsaatsuliorfigineqarneq pillugu. Aamma meeqqamik aallarniutaasumik killisiuinerup kingorna paasinarsippat paasiniaanerup ingerlateqqinneqarnissaanut tunngavissaqanngitsoq.

Isumaliutissiissutip qallunaatuani qupperneq 137-142-mut innersuussisoqarpoq.

#### *2.2.2.1.4. 18-it inorlugit ukiulinnut meeqqat inuusuttullu allat*

Strafferetsplejeudvalgip siunnersuutigaa qulaani imm. 2.2.2.1.2-mi aamma 2.2.2.1.3-imi eqqaaneqartutut sulianit allanit pisoqartillugu video atorlugu killisiuinerup

ingerlanneqarnissaanut periarfissiisumik eqikkaalluni aalajangersakkamik ikkussisoqassasoq meeqqap inuusuttulluunniit illersorneqarnissaata eqqarsaatiginissaa pingaarlunnarluni.

Strafferetsplejeudvalgip isumaa malillugu eqikkaalluni aalajangersagaq meeqqanut inuusuttunullu 18-it inorlugit ukiulinnut atuuttariaqarpoq. Tassunga atatillugu ataatsimiititaliamit ilaatigut innersuussutigineqarpoq tamanna nalinginnaasumik inersimasutut ukioqalernermut naapertuuttoq, inatsisip allatigut pisinnaatitaaffii pisussaaffiilu nalinginnaasumik atuutulerlutik.

Aammattaq 18-inik ukioqalernermi ukiut killilernerat kinguaassiutitigut atorneqarnermut aamma kinguaassiutitigut atonerlunneqarnermut meeqqanik illersuineq pillugu Europarådip isumaqatigiissutaani 25. oktober 2007-imeersumi, Danmarkip atortussanngortitaani “meeraq” pillugu nassuiaammut naapertuuppoq, aamma meeqqanik video atorlugu killisiuineq pillugu maleruagassanik imaqarluni. Maluginiarneqarporli isumaqatigiissut Kalaallit Nunaanni atuutinngitsaq.

Taamatut ukiunik killeqartitsineq aamma EU-mi peqqussutini arlalinni, meeqqanik video atorlugu killisiuineq pillugu aalajangersakkanik imaqartuni nassaassaavoq. Tassani pineqarput meeqqanik kinguaassiutitigut atonerluinerup aamma kinguaassiutitigut atuinerup aamma meeqqanik pornografiinik akiuineq pillugu Europa-Parlamentip aamma Rådip peqqussutaa 2011/93/EU 13. december 2011-meersoq aamma Rådip tunngaviatigut aalajangiinerata 2004/68/RIA-p taartissaa pillugu, inunnik niuernerup pitsaaliuineq akiuinerlu tassanilu eqqugaasut illersuineq pillugu Europa-Parlamentip aamma Rådip peqqussutaa 2011/36/EU 5. april 2011-meersoq, aamma Rådip tunngaviusumi aalajangiinera 2002/629/RIA-p taartaa kiisalu pisinnaatitaaffiit, tapersersuineq illersuinerlu eqqarsaatigalugit pinerluutinut eqqugaasunut minnerpaamik malitassat pillugit Europa-Parlamentip aamma Rådip peqqussutaa 2012/29/EU 25. oktober 2012-imeersoq aamma Rådip tunngaviusumik aalajangiineranik 2001/220/RIA-p taarserneqarnera. Peqqussutilli taakku Danmarkip inatsisitigut nangaassutaanut ilaapput taamaattumillu Danmarkimi atuunnatik, soorlu aamma nunami maani atorneqanngitsut. Peqqussutit aamma Kalaallit Nunaanni atuutinngillat.

Strafferetsplejeudvalgi malillugu aallaaviusoq tassaasariaqarpoq meeqqat 13-14-inik ukiullit kiisalu inuusuttut 15-17-inik ukiullit suliani allani kinguaassiutitigut pinerluttuliorneq,

qanigivallaakkamik atoqateqarneq imaluunniit ilaqutariinni persuttaaneq pillugu sulianit allaanerusuni eqqartuussivimmi nassuiaasassasut.

Pisut immikkoorluinnaq ittut pineqartillugit taamaallaat meeqqanik inuusuttunillu taakkuninnga video atorlugu killisiuisoqartariaqarpoq.

Taamatut immikkorluinnaq pisoqarnerseq Strafferetsplejeudvalgip isumaa malillugu unioqqutitsinerup suuneranik, pinerluttuliornermi pisoqarneranik aamma meeqqap inuusuttulluunniit inuttut atugaanik naliliinermik tunngaveqartariaqarpoq, tassunga ilanngullugit ukiui kiisalu tarnikkut inerissimaneq qanoq ittuunerlu. Video atorlugu killisiuineq taamaallaat atorneqartariaqarpoq taamatut naliliineq tunuliaqutaralugu naliliisoqarpat meeraq inuusuttorluunniit eqqartuussutissap isumaqatiginniutigineqarnerani killisiornissaa pinnagu eqqartuussivimmi uppersaataatit atorneqarsinnaasumik video atorlugu killisiuineramik akuersaartumik meeqqap inuusuttulluunniit immikkut illersorneqarnissaanik pisariaqartitsinera.

Eqikkaalluni aalajangersagaq malillugu video atorlugu killisiuinerup siunertaa Strafferetsplejeudvalgi malillugu tassaasariaqarpoq meeqqamik inuusuttumilluunniit illersuineq. Video atorlugu killisiuineq akerlianik ingerlanneqartariaqanngilaq meeqqap eqqaamasaqarnerata qulakkeerseqarnissaa aamma ilaquttaniit allanilluunniit sunnerneqarnissaata pinngitsoortinnissaa siunertarineqarpat. Tamatumunnga pissutaavoq taamatut eqqarsaatiginninneq, maleruagassat atuuttut malillugit meeqqanik 13-it inorlugit ukiulinnik video atorlugu killisiuinermi siunertat arlaat, ataatsimiitsitaliap isumaa malillugu meeqqanut inuusuttunullu utoqqaanerusunut naleqqiullugu annikinnerusumik pingaartinneqartariaqarpoq.

*Meeqqat 13-14-inik ukiullit suliani allani kinguaassiutitigut pinerluttuliorneq, qanigivallaakkamik atoqateqarneq imaluunniit ilaqutariinni persuttaaneq pillugu sulianit allaanerusuni* Strafferetsplejeudvalgip isumaa malillugu eqikkaalluni aalajangersagaq malillugu video atorlugu killisiuisoqarsinnaasoq, aalajangersimasumik naliliinerup kingorna kinguaassiutitigut pinerluttuliorneq, qanigivallaakkamik atoqateqarneq imaluunniit ilaqutariinni persuttaaneq pillugu suliani meeqqap illersorneqarnissaanik annertuumik pisariaqartitsisoqartoq, taamaalilluni qulaani imm. 2.2.2.1.3 naapertorlugu

Eqikkaalluni aalajangersagaq malillugu meeqqat 13-14-inik ukiullit eqqunngitsuliorfigineqartunik imaluunniit ilisimannittunik video atorlugu killisiuineq Strafferetsplejeudvalgi malillugu ilaatigut inummut navianartumik ilungersunartumik pinerluttuliorneq, inatsisit unioqqutillugit pinngitsaaliineq, kiffaangissusiagaaneq imaluunniit inunnik niuerneq pillugu suliani naleqqussinnaavoq, suliaq meeqqamut annertuumik artukkiisoq naliliisoqarpat. Aamma taamaappoq suliani allani meeqqamut annertuumik artukkiisutut naliliiffiusuni.

Meeqqap inuttut atugai, tassunga ilanngullugu tarnikkut ineriartornera qanoq inneralu kiisalu inatsisinik unioqqutitsisup pineqartoq taamatut inississimatillugu Strafferetsplejeudvalgip siunnersuutaa malillugu aamma video atorlugu killisiuisoqartariaqassaaq.

Eqqartuussutissap isumaqatiginniutigineqarnerani nassuiaateqarnermi artukkiinermut *inuusuttup 15-17-inik ukiullip* illersorneqarnissaanik eqqarsaatiginninneq Strafferetsplejeudvalgip isumaa malillugu 15-it inorlugit ukiulinnik meeqqanik illersuinissamik eqqarsaatiginninnertullu annertuumik pingaartinneqassanngilaq. Uppernarsaatip erniinnaartuunissaa pillugu tunngavik pingaarutilik eqqarsaatigalugu erseqqissumik aallaavittut inuusuttut 15-17-inik ukiullit taamaattumik eqqartuussivimmi ilisimannittutut nassuiaateqartariaqarput taamaalillutik video atorlugu killisiorneqarnatik.

Tassunga atatillugu Strafferetsplejeudvalgimit uparuarneqarpoq kinguaassiutitigut pinerluttuliorneq pillugu suliani, eqqunngitsuliorfigineqartoq pisup nalaani piffissami 15-nik ukioqalersimanerani, aamma qulaani imm. 2.2.2.1.3-mi eqqaaneqartumi, pingaarluinnartutut uppernarsaanermi sammineqartoq tassaasarpoq kinguaassiutitigut pisimasoq nammineq kajumissuseqarluni ingerlanneqarsimansoq. Suliani taamatut ittuni eqqunngitsuliorfigineqartup nassuiaanerata tatiginartuuneranik eqqartuussiviup nalilersuinissaanut pitsaanerpaamik tunngavissaqartinniarlugu killisiuineq taamaattumik erseqqissumik aallaaviatigut eqqartuussutissap isumaqatiginniutigineqarnerani ingerlanneqartariaqarpoq.

Eqikkaalluni aalajangersagaq malillugu inuusuttunik 15-17-inik ukiulinnik video atorlugu killisiuineq Strafferetsplejeudvalgi malillugu aallaaviatigut meeqqanut 13-14-inik ukiulinni eqqarsaatiginninnerit assigalugit suliat taamaattuunersut pineqartariaqarput kiisalu kinguaassiutitigut pinerluttuliorneq, qanigivallaamik atoqateqarneq imaluunniit ilaqutariinni

persuttaaneq pillugu suliani. Taamaattorli meeqqamut 13-14-inik ukiulimmut naleqqiullugu inuusuttumik 15-17-inik ukiulimmik video atorlugu killisiuisoqassappat annertunerusut peqqutaasariaqarlutik. Taakku saniatigut inuusuttoq utoqqaaneruppat annertunerusut peqqutaasariaqarput.

Inuusuttunik 15-17-inik ukiulinnik video atorlugu killisiuineq Strafferetsplejeudvalgip isumaa malillugu taamaallaat pisinnaavoq pineqartup inuttut atugai pillugit paasissutissat *aamma* inatsisinik unioqqutitsisutut pasineqartoq pillugu paasissutissat *aamma* pinerluuteqarnermi pisut taamaaliortoqarnissaanut pissutissaqartitsippata.

Pingaarnertut malitassatut Strafferetsplejeudvalgi malillugu *aamma* taamaallaat video atorlugu killisiuisoqartariaqarpoq inuusuttoq suliami eqqunngitsuliorfigineqartuusimappat. Taamaattorli imatut pisoqarsimasoqarsinnaavoq inuusuttoq unioqqutitsinermut pasisamut taamaallaat ilisimannittuusooq, kisiannili pineqartoq eqqunngitsuliorfigineqarsimappat inuusuttup illersorneqarnissaanut taamaaqataanik eqqarsaatiginninnittoqarluni.

Video atorlugu killisiuisoqartariaqarnersoq naliliinermi *aamma* inuusuttup illersorneqarnissaanut periarfissat allat Strafferetsplejeudvalgi malillugu ilaatinneqartariaqarput, tassunga ilanngullugu eqqartuussivimmi pineqartumik killisiuisoqarnerani matut matoqqatinneqarnissaannik periarfissaq imaluunniit pasineqartoq najuutsinnagu killisiuineq ingerlanneqarluni. Periarfissat taakku inuusuttup illersorneqarnissaanut naammappata video atorlugu killisiuisoqartariaqanngilaq.

Maluginiarneqarpoq Strafferetsplejeudvalgip isumaa malillugu video atorlugu killisiuineramik aaqqissuussinermut atuuffissaq siunnersuutigineqartoq meeqqanik kinguaassiutitigut atonerluineq pillugu Europarådip isumaqatigiissutaani 25. oktober 2007-imeersumi piumasaqaatinik naammassinnippoq. Aammattaq ataatsimiitsitaliap isumaa malillugu atuuffiusussap meeqqanik kinguaassiutitigut atonerluineq pillugu (peqqussut 2011/93/EU), inunnik niuerneq (peqqussut 2011/36/EU) *aamma* eqqungaasunik illersuineq (peqqussut 2012/29/EU) pillugit EU-mi peqqussutini piumasaqaatinik naammassinnippoq. Isumaqatigiissut *aamma* peqqussutit eqqaaneqartutut Kalaallit Nunaanni atuutinngillat.

Aammattaq video atorlugu killisiuineramik aaqqissuussinerup atuuffissaatut siunnersuutigineqartoq Strafferetsplejeudvalgip isumaa malillugu naapertuuttumik

eqqartuussisoqarnissaanut pisinnaatitaaffik pillugu Europami Inuit Pisinnaatitaaffii pillugit isumaqatigiisummi immikkoortoq 6-imut aamma Europami Inuit Pisinnaatitaaffii pillugit Eqqartuussivimmit periutsinut piumasaqaatinut ataqatigiissinneqarsinnaapput.

Isumaliutissiissutip qallunaatuani qupperneq 142-147 aamma 155-158-imut innersuussisoqarpoq.

*2.2.2.1.5. Inuit annertuumik tarnikkut nappaatillit imaluunniit sulisinnaaner at annertuumik annikillisimasut*

Inatsisit atuuttut malillugit meeqqanik video atorlugu killisiuineq pillugu Kalaallit Nunaanni eqqartuussisarnermik inatsimmi maleruagassat assinganik atornerini ilaatigut inunnik *inersimasunik* annertuumik tarnikkut nappaatilinnik imaluunniit sulisinnaaner at annertuumik annikillisimasunik video atorlugu killisiuisoqarsinnaammat, Vestre Landsrettip eqartuussutai UfR 2005-imi naqitat, qupperneq 779 naapertorlugu, Danmarkimi eqqartuussisarnermik inatsimmi maleruagassat taamaaqatai 24-nik ukiulimmut ineriartornermigut akornutilimmut, kinguaassiutitigut innarlerneqarnermigut eqqunngitsuliorfigineqarsimasumut naleqqiullugu taamaaqataanik atorneqarsimapput.

Taamatut suleriaaseqarneq Strafferetsplejeudvalgip isumaa malillugu ingerlateqqinneqassaaq. Ataatsimiitsitaliap taamaattumik siunnersuutigaa inunnik 18-inik ukioqalersimasunik, kisiannili annertuumik tarnikkut nappaateqartunik imaluunniit sulisinnaaner at annertuumik annikillisimasunik, pisut immikkuullarissut pissutaappata pineqartoq eqqartuussivimmi nassuiaateqarnissamut pisinnaanani video atorlugu killisiuisoqarnissaanut periarfissiisumik aalajangersakkamik ikkussisoqassasoq.

Taakku saniatigut Strafferetsplejeudvalgimit maluginiarneqarpoq *meeqqat inuusuttullu 18-it inorlugit ukiullit*, 18-inik sinnerlugilluunniit ukioqaralarunik piumasaqaatinillu taakkuninnga naammassinninnaappata, meeqqanut inuusuttunullu 18-t inorlugit ukiulinnut eqikkaalluni aalajangersagaq malillugu video atorlugu killisiorneqarsinnaasariaqartut, qulaani imm. 2.2.2.1.4 naapertorlugu

Isumaliutissiissutip qallunaatuani qupperneq 143-144 aamma 147-mut innersuussisoqarpoq.



### *2.2.2.2. Justitsministereqarfiup eqqarsaatersuutai*

Justitsministeria Strafferetsplejeudvalgip eqqarsaatersuutaanut siunnersuutaanullu isumaqataavoq, aamma inatsisissatut siunnersuut ataatsimut aaqqissuussinermi iluarsineqarneratigut ataatsimiitsitaliap inatsisissatut missingiutaa naapertorlugu ilusilerneqarsimalluni.

Kalaallit Nunaanni eqqartuussisarnermik inatsimmi § 340 a, imm. 1 qanoq paasineqarnissaanut siunnersuummut innersuussisoqarpoq, inatsisissatut siunnersuummi § 1, nr. 5 aamma tassunga nassuiaatit naapertorlugit.

### *2.2.3. Video atorlugu killisiorneqartut inuit ilisimannittutut ilaatinnginnissaat*

#### *2.2.3.1. Strafferetsplejeudvalgip eqqarsaatersuutai*

*2.2.3.1.1.* Suleriaatsimi meeqqat maleruagassat atuuttut malillugit video atorlugu killisiorneqarsimasut aallaaviatigut eqqartuussutissap isumaqatiginniutigineqarnerani ilisimannittutut nassuiaateqarneq ajorput. Taamaattorli nassuiaateqarnissamut taakku ilaatinneqannginneri pillugit erseqqissumik malittarisassaliortoqarsimanani.

Video atorlugu killisiorneqarsimasunut inunnet akuttunngitsumik annertuumik pingaaruteqartarpoq taakkununga tunngatillugu taamaalilluni suliap naammassineqarneranik naatsorsuuteqarsinnaanerat, tassa tamanna pisimasup qaangerneqarnissaanik taakkununga periarfissiimmat aamma tarnikkut ilisimasalimmik katsorsarneqarnissamut il.il. atugassaat pitsaanerulersinneqarlutik.

Tamanna tunuliaqutaralugu Strafferetsplejeudvalgip siunnersuutigaa inuk, video atorlugu killisiorneqarsimasoq, aallaaviatigut eqqartuussutissap isumaqatiginniutigineqarnerani ilisimannittutut nassuiaateqarnissamut pisussaaffilerneqannginnissaa pillugu aalajangersakkamik ikkussisoqassasoq.

Eqqartuussutissap isumaqatiginniutigineqarnerani ilisimannittutut nassuiaateqarnissamut pisussaaffimmit ilaatinneqannginneq Strafferetsplejeudvalgip isumaa malillugu taamaallaat atuutissaaq video atorlugu killisiuinissamut piumasaaqatit video atorlugu killisiuinerneq

siullermi piffissami naammassineqarsimappata. Ataatsimiitsitaliap imm. 2.2.4.1-imi ataaniittumik erseqqinnerusumik allaaserineqartutut siunnersuutigaa apeqqutip taassuma sukkasuumik paasineqarnissaanut immikkut suleriaatsimik ikkussisoqassasoq.

Avaqqunneqarsinnaangilaq pisuni immikkoorluinnartuni piumasaaqatigineqarsinnaammat inuk ilisimannittutut ilaatinneqanngitsussaagaluartoq eqqartuussutissap isumaqatiginniutigineqarnerani ilisimannittutut nassuiaateqartariaqalissanerani eqqortumik aalajangiisoqarnissaanut eqqartuussivik pisariaqartunik tunngavissikkumallugu.

Strafferetsplejeudvalgip taamaattumik siunnersuutigaa eqqartuussivik immikkut pisuni, video atorlugu killisiuinerup malitsigisaanik ilisimannittuunissaanut ilaasussaangitsunnorsimasoq inuk peqqusinnaagaa eqqartuussutissap isumaqatiginniutigineqarnerani ilisimannittutut nassuiaateqassasoq, tamanna suliami aalajangiisoqarnissaanut aalajangiisuulluinnassappat, aamma videomut killisiueqqittoqarnissaa naammangippat.

Taamatut pissutsinik pisoqarnersoq, peqqusinissamik nalunaaruteqarnissamut tunngavissaqarluni, aalajangersimasumik naliliinermik tunngaveqassaaq. Strafferetsplejeudvalgilli tunngavigaa peqqusinissamik nalunaaruteqarnissaq qaqutigoorluinnartukkut taamaallaat atorneqarsinnaassasoq.

Video atorlugu killisiorneqartumut inummut mianerinninneq pissutigalugu pineqartoq eqqartuussutissap isumaqatiginniutigineqarnerani nassuiaateqassanersoq pillugu apeqqut sapinngisamik piaarnerpaamik aamma eqqartuussutissap isumaqatigiinniutigineqarnissaa sioqqullugu paasineqassaaq.

Video atorlugu killisiorneqartup inuup nassuiaateqarnissaa pillugu qinnuteqarneq taamaattumik sapinngisamik piaarnerpaamik eqqartuussivimmut tunniunneqartariaqarpoq, taannalu aamma naatsorsuutigineqarluni sapinngisamik piaartumik aamma eqqartuussutissap isumaqatigiinniutigineqarnissaa sioqqullugu aalajangiiffigineqarluni.

Eqqartuussutissap isumaqatiginniutigineqarnerani killisiuineq Strafferetsplejeudvalgip siunnersuutaa malillugu aamma pisinnaassaaq inuk, video atorlugu killisiorneqarsimasoq, tamatumunnga akuersippat. Tassani naatsorsuutigineqarpoq eqqartuussivik naliliissasoq eqqartuussivimmi killisiuineq suliamut naleqquttusoq, aamma pineqartoq akuersinissaminut pisariaqartumik inersimasusoq.

Isumaliutissiissutip qallunaatuani qupperneq 148-150-imut innersuussisoqarpoq.

2.2.3.1.2. Strafferetsplejeudvalgip isumaa malillugu eqqartuussivimmi inunnik video atorlugu killisiorneqarsimasunik killisiuinermi immikkut mianerinninnissamat pisariaqartitsisoqarsinnaavoq. Ataatsimiitsitaliap taamaattumik siunnersuutigaa inummik, video atorlugu killisiorneqarsimasunik killisiuineq qanoq aamma kimit ingerlanneqassanersoq pillugu eqqartuussivik aalajangiisinnaassasoq. Tamatuma assigaa 15-it inorlugit ukiulinnut meeqqanut ullumikkut atuuttuusut (Kalaallit Nunaanni eqqartuussisarnermik inatsimmi § 155, imm. 3 oqaaseqatigiit siulliat).

Eqqartuussivik tamatuma kingorna assersuutigalugu aalajangiisinnaalluni eqqartuussutissap isumaqatiginniutigineqarnerani inummik killisiuineq imatut ingerlanneqassanersoq video atorlugu killisiuineq siullermik takutinneqarluni, tamatumalu kingorna pineqartumut ilassutinik apeqquteqassasoq. Aallaaviusoq Strafferetsplejeudvalgip isumaa malillugu tassaasariaqarpoq killisiuinerup taamatut ingerlanneqarnissaa.

Qanoq pisoqarnera malillugu assersuutigalugu aamma aalajangerneqarsinnaavoq inummik killisiuineq inimi eqqartuussiviusumi ingerlanneqassanngitsoq, kisianni allami meeqqamat inuusuttumullu tulluarnerusumi, assersuutigalugu eqqartuussisup allaffiani.

Inuk, video atorlugu killisiorneqarsimasoq, eqqartuussivimmi ilisimannittut killisiorneqassappat, killisiuineq qanoq ingerlanneqarnissaanut sapinngisamik piaarnerpaamik isummertoqartariaqarpoq, tassunga ilanngullugu inimik eqqartuussivimmi ingerlanneqarnani inimi allami ingerlanneqassanersoq. Tamatumunnga pingaartumik pissutaavoq killisiuinerup qanoq ingerlanneqarnissanut nalornisoqarnera inunnut taakkununga annertuumik artukkiisinaanera.

Strafferetsplejeudvalgip taamaattumik siunnersuutigaa, unnerluussisuutitaasuniit, illersuisumiit imaluunniit ilisimannittumiit qinnuteqartoqarneratigut eqqartuussutissap isumaqatigiinniutigineqarnissa sioqqulugu meeqqamik 15-it inorlugit ukiulimmik imaluunniit inummik video atorlugu killisiorneqarsimasunik killisiuineq qanoq aamma kimit ingerlanneqassanersoq eqqartuussivik aalajangissasoq. Tamatuma ilaatigut matut matoqqatinneqarnissaat pillugit ilaatigut aalajangiinerit aamma ilisimannittup

killisiorneqarnerata nalaani pasineqartup ini eqqartuussiviusoq qimassagaa pillugu eqqarsaatigalugu ullumikkut atuuttunut naapertuuppoq (Kalaallit Nunaanni eqqartuussisarnermik inatsimmi § 448).

Isumaliutissiissutip qallunaatuani qupperneq 154-155-imut innersuussisoqarpoq.

#### *2.2.3.2. Justitsministeriap eqqarsaatersuutai*

Justitsministeria Strafferetsplejeudvalgip eqqarsaatersuutaanut siunnersuutaanullu isumaqataavoq, aamma inatsisissatut siunnersuut ataatsimiitsitaliap inatsisissatut missingersuutaanut naapertuuttumik suliarineqarsimalluni. Ministeriali isumaqarpoq Kalaallit Nunaanni eqqartuussisarnermik inatsisip oqaasertaanit takuneqartariaqartoq eqqartuussivik “qaqutigoorluinnartumik” taamaallaat inuk, video atorlugu killisiorneqarsimasoq taamaattumillu aallaaviatigut ilisimannittutut ilaatinneqartussaangitsoq eqqartuussutissap isumaqatiginniutigineqarnerani nassuiaateqarnissaanik peqqusisinnaasoq. Strafferetsplejeudvalgip siunnersuutaanut aamma inatsisissatut missingiummut naleqqiullugu piviusunik allannguisoqanngilaq.

§ 146 a aamma § 155, imm. 3, oqaaseqatigiit aappaanni aalajangersakkanut siunnersuutigineqartunut, kiisalu Kalaallit Nunaanni eqqartuussisarnermik inatsimmi § 448-p allanngortinneqarnissaanik siunnersuutigineqartumut innersuussisoqarpoq, inatsisissatut siunnersuumi § 1, nr. 1, 3 aamma 9, kiisalu taakkununga nassuiaatit naapertorlugu

#### *2.2.4. Video atorlugu killisiuineq pillugu paasisaqarnerup uppernarsaatitut atorneqarsinnaanera*

##### *2.2.4.1. Strafferetsplejeudvalgip eqqarsaatersuutai*

*2.2.4.1.1.* Video atorlugu killisiuinerup ingerlanneqarnissaanut piumasagaatit video atorlugu killisiuinerup ingerlanneqarnerani piffissami naammassineqarsimappata, aamma eqqartuussisarnermik inatsimmi § 745 e-mi suleriaaseq (Kalaallit Nunaanni eqqartuussisarnermik inatsimmi § 340 a-mi video atorlugu killisiuinerup atatillugu malinneqarsimappat, maannamutulli video atorlugu killisiuineq eqqartuussutissap

isumaqatiginniutigineqarnerani kingusinnerusukkullu uppersaaitit atorneqarsinnaavoq, aamma soorlu qulaani imm. 2.2.3.1-imi eqqaaneqartoq video atorlugu killisiorneqartoq inuk aallaaviatigut eqqartuussivimmi ilisimannittut nassuiaateqarnissamut ilaatinneqassanngilaq.

Inummik video atorlugu killisiuisoqassanersoq pillugu aalajangiineq siullermik paasiniaanermut atatillugu politiinit aamma unnerluussisuutitaasunit aalajangiiffigineqartussaassaaq. Taamaattorli pasineqartoq imaluunniit illersuisoq imatut isumaqarsinnaallutik meeqqamik inuusuttumilluunniit video atorlugu killisiuinerup ingerlanneqarnissaanut piumasagaatit naammassineqanngitsut, imaluunniit video atorlugu killisiuineq allanik peqquteqartumik eqqartuussutissap isumaqatiginniutigineqarnerani uppersaaitit atorneqarsinnaanani.

Tassunga atatillugu Strafferetsplejeudvalgimit uparuarneqarpoq video atorlugu killisiuinerup aqqissuussinerup atuuffiata annertusineqarnissaanik siunnersuutigineqartoq video atorlugu killisiuinerup ingerlanneqarnissaanut piumasagaatit naammassineqarsimaneramik ullumikkumut naleqqiullugu annertunerusumik aalajangersimasumik nalilersuisoqartassasoq.

Strafferetsplejeudvalgip isumaa malillugu pingaaruteqarluinnarpoq meeqqap inuusuttulluunniit video atorlugu killisiorneqarsimasup, pineqartup tamatuma kingorna eqqartuussutissap isumaqatiginniutigineqarnerani ilisimannittut nassuiaateqarnissamut ilaatinneqannginnissaa pillugu piaarnerpaamik paasitinneqarnissaa, taamaalilluni suliaq meeqqamut inuusutumilluunniit tunngatillugu naammassineqarluni. Tamanna pineqartumut pisut qaangernissaannut periarfissiivoq aamma tarnip pissussaanik ilisimasalimmit katsorsarneqarnissamut il.il. pitsaanerusumik periarfissiilluni.

Strafferetsplejeudvalgip taamaattumik siunnersuutigaa video atorlugu killisiuineq eqqartuussutissap isumaqatiginniutigineqarnerani uppersaaitit atorneqarnissaanut akerliliissagunik, pasineqartoq illersuisorluunniit qaqugukkut kingusinnerpaamik apeqqutip eqqartuussivimmut saqqummiunneqarnissaanut piffissaliisoqassasoq.

Strafferetsplejeudvalgip siunnersuutigaa piffissaliineq sapaatit akunnerinut sisamanut inissinneqassasoq, aamma tassunga atatillugu pingartinneqartoq video atorlugu killisiuinerup ingerlanneqarnerani periutsimut imaluunniit video atorlugu killisiuinerup

ingerlanneqarnissaanut piumasaqaatit pillugit akerriliinissamut tunngavissaqarnersoq pillugu naliliisoqarnissaa taamatut piffissaliinerup iluani nalinginnaasumik ajornanngitsoq, tamanna qulaani imm. 2.2.2.1.1-imi eqqaaneqareersutut siullermik killisiuinermut piffissaliussamut pissutsinut aalajangiisuulluni.

Taamaattorli siunnersuutigineqarpoq piffissamik qaangiinnermut utoqqatsissutigineqarsinnaasutut isigineqarsinnaasut eqqartuussivimmit soqutigineqassanngitsut.

Video atorlugu killisiuinerup uppersaaitit atornerqarnissaa pillugu apeqqut eqqartuussivimmut suliaannagortinneqarpat eqqartuussivik piaarnerpaamik aalajangiisariaqarpoq.

Strafferetsplejeudvalgip siunnersuutaata kinguneraa pasineqartup video atorlugu killisiuineq uppersaaitit atornerqarsinnaanngitsutut isumaqartoq, kisiannili piffissaliussap iluani apeqqummik eqqartuussivimmut saqqummiussinngitsup, video atorlugu killisiuineq eqqartuussutissap isumaqatiginniutigineqarnerani uppersaaitit atornerqarnissaanut taamaallaat akerriliisinnaavoq, akerriliineq siusinnerusukkut atuutinneqarsimannginnera utoqqatsissutigineqarsinnaappat.

Pasineqartorli piffissaliussaq apeqquaatinnagu video atorlugu killisiuinerup eqqartuussutissap isumaqatiginniutigineqarnerani uppersaaititigut pingaaruteqarneranut akerriliisinnaavoq. Taamaalilluni uppersaammik killilersorneqarnani naliliisinnaaneq pillugu tunngavik naapertorlugu tamanna video atorlugu killisiuinermit nassuiaatip saqqummiunneqartup qanoq uppersaaitit naleqartiginneranik eqqartuussivik eqqartuussisoq suli aalajangiisussaavoq.

Isumaliutissiissutip qallunaatuani qupperneq 150-152 aamma 153-154-imut innersuussisoqarpoq.

2.2.4.1.2. Inuk, politiinit killisiorneqartussatut kissaatigineqartoq, isumaqartorlu video atorlugu killisiuinissamut piumasaqaatit naammassineqarsimasut, killisiuinerup video atorlugu killisiuinertut ingerlanneqarnissaa pillugu politiinut qinnuteqarsinnaavoq. Tassunga atatillugu Danmarkimi eqqartuussisarnermik inatsit malillugu advokati ikiuisartooq

pineqartumut ikiuussinnaavoq. Video atorlugu killisiuinerup ingerlanneqarnissaa pillugu aalajangiinerlu politiit aamma unnerluussisuutitaasunit aalajangiunneqartussaavoq.

Maluginiarneqarpoq Kalaallit Nunaanni eqqartuussisarnermik inatsit eqqunngitsuliorfigineqartoq pillugu advokatimik ikiuisussamik pissarsisoqarnissaa pillugu maleruagassanik imaqanngitsoq, akerlianilli illersuisussamik pissarsisoqarnissaa pillugu (§ 333). Illersuisup eqqunngitsuliorfigineqartoq tapersorsorlugulu ilitsersuutissavaa, kisiannili Danmarkimi eqqartuussisarnermik inatsit malillugu advokatimut ikiuuttussamut akerliusumik pisinnaatitaaffeqarnani aamma inatsisitigut suliaqarsinnaanani.

Strafferetsplejeudvalgip eqqarsaatigisimavaa inuk, politiit aamma unnerluussisuutitaasut tamatuma kingorna video atorlugu killisiorneqassanngitsoq aalajangiiffineqartoq, imaluunniit (Danmarki eqqarsaatigalugu) inuup advokatitut ikiortaa, apeqqutip taassuma eqqartuussivimmut suliassanngortitsisinnaasoq pillugu immikkut aalajangersakkamik ikkussisoqassanersoq.

Strafferetsplejeudvalgip isumaa malillugu paasiniaanermi alloriarnerit suut aamma pillaasarnermi suliame (Kalaallit Nunanani pinerluttulerinermik suliame) uppersaaranerit suut ingerlanneqassanersut pillugit apeqqummik eqqartuussivimmut suliassanngortinneqarsinnaasariaqarnersut suliame peqataasunit aalajangiiffineqartariaqartut. Eqqunngitsuliorfigineqartut allallu ilisimannittut tunngavik pingaaruteqartoq malillugu pillaasarnermi suliame (pinerluttulerinermi suliame) peqataasuunngillat. Ataatsimiitsitaliaq taamaattumik isumaqarpoq inuup, politiit aamma unnerluussisuutitaasut tamatuma kingorna video atorlugu killisiorneqassanngitsoq aalajangiiffineqartoq, imaluunniit (Danmarki eqqarsaatigalugu) inuup advokatitut ikiortaa, apeqqutip taassuma eqqartuussivimmut suliassanngortissinnaaneranut tunngavissaqanngitsoq.

Tassunga atatillugu Strafferetsplejeudvalgimit maluginiarneqarpoq pineqartoq video atorlugu killisiuinerup ingerlanneqannginnissaa pillugu aalajangiinerlut politiit aamma unnerluussisuutitaasut pillugit naammagittaalliuuteqarsinnaasoq. Taamatut naammagittaalliuuteqarneq siullermik politiit pisortaannut (Kalaallit Nunaanni politimesterimut) tunniunneqatussaavoq, taassumalu aalajangiinera nunap immikkoortuani (Kalaallit Nunanani Rigsadvokatimut) naammagittaalliuutigineqarsinnaalluni.

Isumaliutissiissutip qallunaatuani qupperneq 152-153-imut innersuussisoqarpoq.

#### *2.2.4.2. Justitsministeriaqarfiup eqqarsaatersuutai*

Justitsministeriaqarfik Strafferetsplejeudvalgip eqqarsaatersuutaanut siunnersuutaanullu isumaqataavoq, aamma inatsisissatut siunnersuut ataatsimiitsitaliap inatsisissatut missingersuutaanut naapertuuttumik suliarineqarsimalluni.

Kalaallit Nunaanni eqqartuussisarnermik inatsimmi § 340 a, imm. 4-mi aalajangersakkamut siunnersuutigineqartumut aamma § 467 a-p oqaasertalernissaanut siunnersuutigineqartumut innersuussisoqarpoq, inatsisissatut siunnersuut § 1, nr. 7 aamma 10, aamma tassunga nassuiaatit naapertorlugit.

#### *2.2.5. Video atorlugu killisiuinerup ingerlanneqarneranut kaammattuutit*

Isumaliutissiissut qulaani imm. 2.2.2-2.2.4-mi eqqaaneqartunik video atorlugu killisiuinermik aaqqissuussinerup allannguutaanut atasunik, video atorlugu killisiuinerup ingerlanneqarneranut tunngasunik kaammattuuterpaalunnik imaqarpoq. Kaammattuutit taakku ataaniittumi erseqqinnerusumik suliarineqarput.

#### *2.2.5.1. Strafferetsplejeudvalgip eqqarsaatersuutai*

##### *2.2.5.1.1. Ilisimannittup ilaatinnginnissaa pillugu ilitsersuut*

Soorlu qulaani 2.1.2-mi eqqaaneqartoq Kalaallit Nunaanni eqqartuussisarnermik inatsimmi § 144-mi ilisimannittut ilaatinnginnissaanut maleruagassat pillugit meeqqanut anginerusunut ilitsersuuteqarpoq, meeqqanullu mikinerusunut aallaaviatigut ilisimannittut ilaatinnginnissaat pillugu apeqqummut isummernissaq angajoqqaanut (imaluunniit angajoqqaat arlaannut) isumagisassanngortinneqarsimalluni.

Tassunga atatillugu Strafferetsplejeudvalgip kaammattuutigaa 7-8-nik ukiullit meeqqat nalinginnaasumik ineriartorsimasut utoqqaanerusullu aallaaviatigut ilisimannittup ilaatinnginnissaanut maleruagassat pillugit ilitsersuunneqassasut, taamaattorli



aalajangersimasumik naliliineq malillugu taamatut aallaaveqarnerup saneqqunneqarsinnaaneranut tunngavissaqarsinnaasoq.

Isumaliutissiissutip qallunaatuani qupperneq 159-160-imut innersuussisoqarpoq, tassani aamma ilisimannittut ilaatinneqanninnissaat pillugu ilitersuut qanoq meeqqanut 15-it inorlugit ukiulinnut saqqummiunneqarsinnaaneranut assersuuteqarluni.

#### *2.2.5.1.2. Angajoqqaat video atorlugu killisiuinissamut akerliliitillugit suleriaaseq*

Qulaani imm. 2.1.2-mi eqqaaneqartutut video atorlugu killisiuinissamut angajoqqaatut oqartussat marluullutik imaluunniit kisimiilluni oqartussaasoq akerliuppata politiit video atorlugu killisiuinerup ingerlatsisinnaanngillat. Taarsiullugu video atorlugu killisiuineq eqqartuussinissaq sioqqullugu ingerlanneqarsinnaavoq, taamaalilluni eqqartuussisoq, killisiuinerup ingerlannerata nalaani, inimi nakkutilliivimmi najuulluni.

Tassunga atatillugu Strafferetsplejeudvalgip maluginiarpaa pisunik taamatut ittunik piaartumik kinguneqartumillu suliarinninnermut pingaarluinnartuusoq – eqqartuussinissaq sioqqullugu video atorlugu killisiuinerup ingerlanneqarnissaata tungaanut piffissami meeqqap sunnerneqarsinnaaneranut tamanna pisariaqarluni - eqqartuussinissaq sioqqullugu video atorlugu killisiuinerup ingerlanneqarnissaa pillugu qinnuteqarnermut isummernissamut eqqartuussivik piffissamik sivikitsuaqqamik kalerrinneqarnissaminut eqqartuussiviup piareersimanissaa taamaattoqassappallu killisiuinerup peqataalluni.

Strafferetsplejeudvalgip taamaattumik oqaatigaa sumiiffinni eqqartuussiviit aamma politeeqarfiit akornanni erseqqinnerusumik isumaqatigiissutigineqartariaqartoq suliat taamatut ittut qanoq suliarineqartassanersut, taamaalilluni tamatuminnga pisariaqartitsisoqalerpat qulakkeerneqarluni eqqartuussinissaq sioqqullugu video atorlugu killisiuineq taamaattoqassappallu ingerlanneqarnissaa pillugu eqqartuussivik piaarnerpaamik aalajangiilluni. Ataatsimiitsitaliamit aamma oqaatigineqarpoq - eqqartuussinissaq sioqqullugu video atorlugu killisiuinerup ingerlanneqarnissaa pillugu aalajangiisoqarpat – sumiiffimmu video atorlugu killisiuinerup ingerlanneqarnissaanut meeraq politiinit assartorneqassasoq.

Isumaliutissiissutip qallunaatuani qupperneq 160-161-imut innersuussisoqarpoq, tassaniilluni angajoqqaat video atorlugu killisiuinermit akerliliinissaat ilimagineqarpat suleriaasissap allaaserineqarnera.

#### *2.2.5.1.3. Arlaleriarluni video atorlugu killisiuineq*

Soorlu qulaani imm. 2.1.2-mi eqqaaneqartoq maleruagassat atuuttut malillugit meeqqanik video atorlugu killisiuineq piaarnerpaamik ingerlanniarneqartariaqarpoq, tamannalu ajornanngippat, unnerluutiginninnermiit sapaatip akunnerata iluani. Nalinginnaasumik meeqqamik video atorlugu killisiuineq ataasiinnaq ingerlanneqartarpoq, politiit namminneq pilersitsinermikkut kingumut killisiueqqinngippata, imaluunniit pasineqartumiit illersuisumilluunniit killisiueqqittoqarnissaa pillugu qinnuteqaat akuerineqarpat.

Tassunga atatillugu Strafferetsplejeudvalgip maluginiarpaa video atorlugu killisiuineq arlaleriarluni ingerlanneqarpat tamanna meeqqanut inuusuttunulluunniit artukkiinerunissaa ilimananngitsoq. Paasiniaaneq eqqarsaatigalugu nalilerneqarpat suliaq taamaaliornikkut pitsaanerpaamik paasissutissanik pissarsiffiussasoq – aamma pineqartup eqqaamasaqarneranik qulakkeerinissaq eqqarsaatigalugu aamma tamatumunnga akornusiislinnaasut sunniiniarnerit pinngitsoorniarlugit – arlaleriarluni video atorlugu killisiuinerit taamaalilluni meeraq inuusuttorluunniit eqqarsaatigalugit pinngitsoorani pinngitsoorniarneqassanngilaq. Meeqqamik inuusuttumilluunniit video atorlugu killisiuineq ataasiarluni imaluunniit arlaleriarluni ingerlanneqartariaqarnera pillugu aalajangersimasumik naliliinermik tamanna tamatigut tunngaveqassaaq. Taamaattoqartillugu killisiuinerit killisiuisumit ataatsimit ingerlanneqartariaqarput aamma killisiuinerit akornanni sivikitsumik akunneqartumik. Aammattaaq killisiuinerit ullumisulli unnerluussinerup kingorna piaartumik ingerlanneqartariaqarput (takujuk ataaniittumi imm. 2.2.5.1.4). Ataatsimiitsitaliap maluginiarpaa video atorlugu killisiuinerit arlaleriarlugit ingerlanneqarnissaannut sulinermi mianerisassat akornutaasinnaasut.

Video atorlugu killisiuinerit amerlanerit meeqqamut inuusuttumulluunniit tamatigut artukkiisannginnera, Strafferetsplejeudvalgi malillugu killisiueqqittoqarnissaa pillugu qinnuteqaat pillugu aalajangiiniarnermi aamma ilanngunneqarnissaa akuerineqartariaqarpoq. Killisiueqqittoqarnissaali pillugu qinnuteqaat ullumi pisarnertutulli aallaaviatigut killisiuinerup siulliup videokkut immiunneqarneraniit pasisap misissuereernerata kingorna

sapaatit akunneri marluk iluanni saqqummiunneqartussaassaaq. Killisiueqqinneq aamma suli aalajangersimasumik tunngavilersuuteqarnermik tunngaveqartariaqarpoq, assersuutigalugu paasissutissanik nutaanik takkuttoqarsimanera, imaluunniit pasisaq imaluunniit illersuisoq meeqqamut inuusuttumulluunniit apeqqutinik nutaanik attuumassuteqartunik apeqquteqarusuppat.

Isumaliutissiissutip qallunaatuani qupperneq 162-163-imut innersuussisoqarpoq.

#### *2.2.5.1.4. Video atorlugu killisiuineq pillugu piffissaq*

Strafferetsplejeudvalgip isumaa malillugu video atorlugu killisiuineq – ullumikkut pisartutulli – aallaaviatigut sapinngisamik piaarnerpaamik ingerlanneqartariaqarpoq, aamma tamanna sapernanngippat unnerluussisoqarneraniit sapaatip akunnerata ataatsip iluani. Meeqqalli inuusuttullu eqqarsaatigalugit, aaqqissuussinerup atuuffiata annertusineqarnissaanik siunnersuutigineqartumi (takujuk qulaani imm. 2.2.2) video atorlugu killisiuisinnaanermut ilaatinneqartut, qanoq pisoqarnera apeqqutaatillugu paasiniaaneq aamma suliami paasissutissat eqqarsaatigalugit naleqqutissaaq video atorlugu killisiuineq aatsaat piffissami kingusinerusumik ingerlanneqarpat, paasiniaanerup aallartinnerani pisup ingerlasimanera pillugu annertunerusumik paasisimannittoqalerpat. Tamanna aamma pasisamut illersuisumullu video atorlugu killisiunermut atatillugu meeqqamut inuusuttumulluunniit apeqqutinik pisariaqartunik apeqquteqarnissamut pitsaanerusumik periarfissiissaaq. Taamaattorli tunngavigineqarpoq video atorlugu killisiuinerup taamatut kingusinnerusumi aatsaat ingerlanneqarnissaanut meeqqap inuusuttulluunniit illersorneqarnissaannik eqqarsaatiginninneq akornusiissanngimmat.

Isumaliutissiissutip qallunaatuani qupperneq 163-164-imut innersuussisoqarpoq.

#### *2.2.5.2. Justitsministeriaqarfiup eqqarsaatersuutai*

Strafferetsplejeudvalgip eqqarsaatersuutaanut kaammattuutaanullu Justitsministeriaqarfik isumaqataavoq. Ministeriap taamaattumik meeqqanik kinguaassiutitigut atonerluineq pillugu sulianik suliarinninneq aamma suliani taamatut ittuni meeqqanik video atorlugu killisiuineq pillugu rigsadvokatip nalunaarutaani pisariaqartunik tulluarsaanissaaq isumageqqullugu Rigsadvokati qinnuigissavaa (RM nr. 2/2007). Ministeriap aamma tassunga ilanngullugu

Kalaallit Nunaanni Politimesteri, eqqartuussinissaq sioqqullugu video atorlugu killisiuisoqarfiusussani suliat qanoq suliarineqartariaqarnerat pillugu eqqartuussivinnik isumaqatigiissusioqqullugu politeeqarfinnut ataasiakkaanut suliniuteqarnissaq pillugu Rigsadvokati qinnuigissavaa, qulaani imm. 2.2.5.1.2 naapertorlugu Ministeriap pingaartippaa taamatut ittumik aqqissuussinerup qulakkiissammagu qulaani allaaserineqartut eqqartuussinissaq sioqqullugu video atorlugu killisiuineq pisariaqartinneqarneraq taamaattoqarpallu taanna sukkasuumik naammassineqassasoq eqqartuussiviit sukkasuumik isummertarnissaat pillugu.

### **3. Kalaallit Nunaanni Eqqartuussiviit pillugit Siunnersuisoqatigiit annertusineqarneri**

Kalaallit Nunaanni Eqqartuussiviit pillugit Siunnersuisoqatigiit Kalaallit Nunaanni eqqartuussisarnermik inatsimmi § 742-mit tunngaveqartumik pilersinneqarput. Siunnersuisoqatigiit suliasaraat pinerluttulerinermi aamma eqqartuussisarnermi inatsisit pillugit Namminersorlutik Oqartussat aamma naalagaaffimmi oqartussat akornanni ataqatigiissaarinerup isumagineqarnissaa, tassunga ilanngullugu tassani inatsisitigut tunngavinnik inerisaaneq, tassunga atatillugu ilisimatusarnerit pilersinneqarneri kiisalu eqqartuussiveqarnermi oqartussat ataasiakkaat sulinerat ilinniartitaanikkullu pisariaqartitsinerannik malinnaaneq.

Kalaallit Nunaanni eqqartuussisarnermik inatsimmi § 743 malillugu siunnersuisoqatigiit 13-inik ilaasortaqarpoq: Kalaallit Nunaanni Nuna tamakkerlugu eqqartuussisuuneq, Kalaallit Nunaata Eqqartuussiviani eqqartuussisoq, Kalaallit Nunaanni politimesteri, Kalaallit Nunaanni pinerluttunik isumaginnittoqarfimmi pisortaq, KANUKOKA, advokati, illersuisoq, ilisimatusarfirmi ilinniartitsisoq, Namminersorlutik Oqartussani sinniisut marluk kiisalu Justitsministeriamut, Domstolsstyrelsimut aamma Direktoratet for Kriminalforsorgenimut sinniissut.

Kalaallit Nunaanni Eqqartuussiviit pillugit Siunnersuisoqatigiit kaammattuutigisimavaat siunnersuisoqatigiit kredsdommerimik ataatsimik annertusineqassasut. Siunnersuisoqatigiit siunertaat suliasanillu isumaginninnerat eqqarsaatigalugu Justitsministeria isumaqarpoq taamatut annertusitsineq naleqquttusoq tamannalu naapertorlugu siunnersuutigalugu Kredsommerit Peqatigiiffiannit inassuteqaateqarnerup kingorna Justitsministeriaqarfik siunnersuisoqatigiinni ilaasortassamik kredsdommerimik ataatsimik toqqaassasoq.

#### **4. Aningaasaqarnikkut allaffissornikkullu pisortanut kingunissai**

Meeqqanik video atorlugu killisiuisarnerup atuuffiata annertusineqarnissaa pillugu siunnersuut naatsorsuutigineqarpoq kingunerissagaa killisiuinerit amerlanerungaartut video atorlugu killisiuinertut ingerlanneqartalissasut. Tamanna politiinut annertunerusumik aningaasartuuteqarnermut atassuteqassaaq, tassa video atorlugu killisiuineq nalinginnaasumik killisiuinerimut naleqqiullugu isumalluutinik atuiffiunerummat. Tamanna pingaartumik video atorlugu killisiuinerimut atuuppoq, sumiiffinni allani Nuummiinngitsoq ingerlanneqartussaallutik, tassa killisiuinerit taakku ingerlanneqarnerinut atasunik assartuinerimut, unnuinernut, ininut il.il. annertuunik aningaasartuuteqartussaammat. Annertunerusumik aningaasartuutit politiit maannakkut atugaasa iluanni isumagineqarumaarput.

#### **5. Aningaasaqarnikkut allaffissornikkullu inuussutissarsiortunut il.il. kingunissai**

Inatsisissatut siunnersuut inuussutissarsiortunut il.il. aningaasaqarnikkut imaluunniit allaffissornikkut kinguneqartitsissanngilaq.

#### **6. Innuttaasunut allaffissornikkut kingunissaa**

Inatsisissatut siunnersuut innuttaasunut allaffissornikkut kinguneqassanngilaq.

#### **7. Avatangiisitigut kingunissai**

Inatsisissatut siunnersuut avatangiisitigut kinguneqartitsissanngilaq.

#### **8. EU-mi inatsisinut pissutsit**

Inatsisissatut siunnersuut EU-mi inatsisinut tunngasunik imaqqanngilaq.

#### **9. Oqartussat kattuffiillu il.il. tusarniarneqartut**

Kalaallit Nunaanni eqqartuussisarnermik inatsisip allanngortinneqarnera pillugu inatsisissatut siunnersuummut missingiut (Pinerluttulerinermi suliani il.il, meeqqanik inuusuttunillu video

atorlugu killisiuisarneq) piffissami ulloq 3. juli 2015-imiit ulloq 5. august 2015-imut oqartussani kattuffinnilu il.il. ukunani tusarniutigineqarsimavoq:

Kalaallit Nunaata Eqqartuussisuuneqarfia, Kalaallit Nunaanni Eqqartuussivik, Domstolsstyrelsen, Rigsadvokaten, Rigspolitiet, Kalaallit Nunaanni Politimestereqarfik, Kredsdommerit Peqatigiiffat, Kalaallit Nunaanni Politiit Peqatigiiffiat, Grønlandske Advokater, Illersuisartut peqatigiiffiat Illersuisut, Kanukoka, Inuit Piginnaatitaaffii pillugit Kalaallit Nunaanni Siunnersuisoqatigiit, Meeqqat Illuat Saaffik, MIO, Bedre Børneliv (MIBB), Meeqqat Inuunersissut, Det Sociale Ankenævn i Grønland, Børne & Unge Organisationen, Nanu, NIISIP, NPK, IKIU, Kalaallit Nunaanni Pinerluuteqarsimasunut Isumaginniffik aamma Dansk Psykologforening, Kreds Grønland.

Taakku saniatigut pillaasarnermi suliani meeqqanik inuusuttunillu video atorlugu killisiusineq pillugu Strafferetsplejeudvalgip isumaliutissiissutaa nr. 1554/2015, inatsisissatut siunnersuutip tunngavigisaa, piffissami 21. april 2015-miit ulloq 19. maj 2015-imut oqartussani kattuffinnilu il.il. ukunani tusarniutigineqarsimavoq:

Østre Landsret, Vestre Landsret, byrettit tamarmik, Domstolsstyrelsen, Rigsadvokaten, Rigspolitiet, Direktoratet for Kriminalforsorgen, Datatilsynet, Den Danske Dommerforening, Dommerfuldmægtigforeningen, Foreningen af Offentlige Anklagere, Politiforbundet, Advokatrådet, Danske Advokater, Landsforeningen af Forsvarsadvokater, HK Landsklubben Danmarks Domstole, HK Landsklubben for Politiet, Det Kriminalpræventive Råd, Landsforeningen KRIM, Retspolitisk Forening, Retssikkerhedsfonden, Justitia, Institut for Menneskerettigheder, Amnesty International, Børnerådet, Børnesagens Fællesråd, KFUM's Sociale Arbejde, Børns Vilkår, Red Barnet, Rådet for Socialt Udsatte, Danske Handicaporganisationer, Det Centrale Handicapråd, Foreningen af Kommunale Social-, Sundheds- og Arbejdsmarkedschefer i Danmark, Dansk Socialrådgiverforening, Dansk Psykolog Forening, Foreningen af Speciallæger, BUPL, Danmarks Lærerforening, Børn og Familier, KL, Børnehus Hovedstaden, Børnehus Midt, Børnehus Nord, Børnehus Sjælland, Børnehus Syd, Danske Regioner, Offerrådgivningen i Danmark, Hjælp Voldsofre,

Landsforeningen af Polio-, Trafik- og Ulykkesskadede,  
 Landsorganisationen mod Seksuelle Overgreb, Joan Søstrene,  
 Mødrehjælpen, Center mod Menneskehandel, Landsorganisationen for  
 Kvindekrisecentre, Landsforeningen for Voldsramte Kvinder og  
 Børneteamet ved Rigshospitalets Center for Seksuelle Overgreb.

### 10. Eqikkaalluni immersugaq

	Kingunit pitsaasut / annikinnerusumik anigaasartuuteqarneq	Kingunit ajortut / annertunerusumik anigaasartuuteqarneq
Naalagaaffimmut, kommuninut nunallu immikkoortuinut anigaasaqarnikkut kingunissai	Soqanngilaq	Annertunerusumik anigaasartuutit maannakkut atugassaareersut iluanni anigaasartuutigineqassapput
Naalagaaffimmut, kommuninut nunallu immikkoortuinut allaffissornikkut	Soqanngilaq	Soqanngilaq

kingunissai		
Inuussutissarsiortunut aningaasaqarnikkut kingunissai	Soqanngilaq	Soqanngilaq
Inuussutissarsiortunut allaffissornikkut kingunissai	Soqanngilaq	Soqanngilaq
Avatangiisitigut kingunissai	Soqanngilaq	Soqanngilaq
Innuttaasunut allaffissornikkut kingunissai	Soqanngilaq	Soqanngilaq
EU-mi inatsisinut pissutsit	Inatsisissatut siunnersuut EU-mi inatsisinut tunngasunik imaqanngilaq	

*Inatsisissatut siunnersuummi aalajangersakkanut ataasiakkaanut nassuiaatit*

§ 1-imut

*Nr. 1-imut (§ 146 a)*

Siunnersuutigineqartoq § 46 a nutaajuvoq aamma videokkut immiussap eqqatuussutissap isumaqatigiinniutigineqarnerata nalaani uppersaatitut atornerqarnissaa siunertaralugu inuit ilisimannittut ilaatinnginnissaat pillugu apeqqummut malittarisassaliorluni.

*Imm. 1* siunnersuutigineqartoq malillugu Kalaallit Nunaanni eqqartuussisarnermik inatsimmi § 340 a imaluunniit § 155, imm. 3 malillugu video atorlugu killisiorneqarsimasoq eqqartuussutissap isumaqatigiinniutigineqarnerata nalaani ilisimannittut nassuiaateqarnissamut pisussaaffeqanngilaq.



Imm. 1 siunnersuutigineqartoq atuuppoq, video atorlugu killisiuineq § 340 a imaluunniit eqqartuussinissaq sioqqullugu § 155, imm. 3 malillugu ingerlanneqarsimanersoq apeqqutaatinnagu.

Eqqartuussutissap isumaqatigiinniutigineqarnerata nalaani ilisimannittut nassuiaateqarnissamut pisussaaffimmut ilaatinneqannginneq taamaallaat atuutissaaq § 340 a, imm. 1-mi siunnersuutigineqartumi video atorlugu killisiuinissamut piumasaqaatit, inatsisissatut siunnersuummi § 1, nr. 5 naapertorlugu, siullermik video atorlugu killisiuffiusumi piffissami naammassineqarsimappata. Tassunga atatillugu oqaatigineqassaaq pasisaq imaluunniit illersuisoq, pineqartoq § 340 a malillugu video atorlugu killisiuineq eqqartuussutissap isumaqatigiinniutigineqarnerata nalaani uppernarsaatitut atorneqarnissaanut akerliussappat, assersuutigalugu pineqartoq isumaqarmat, video atorlugu killisiuinissamut piumasaqaatit naammassineqarsimanngitsut, aallaaviatigut video atorlugu killisiuinermit kingusinnerpaamik sapaatit akunneri sisamat kingorna apeqqut eqqartuussisumut qaqissavaa, inatsisissatut siunnersuut § 340 a, imm. 4 naapertorlugu, (inatsisissatut siunnersuummi § 1, nr. 7).

*Imm. 2* siunnersuutigineqartoq malillugu inuk., imm. 1-imut ilaasoq, eqqartuussutissap isumaqatigiinniutigineqarnerata nalaani ilisimannittutut nassuiaateqarnissaanut qaqutigoorluinnartumik eqqartuussivimmit peqquneqarsinnaavoq, tamanna suliap aalajangernissaanut pingaarluinnarpat, aamma inuup videokkut killisioqqinneqarnissaa naammangippat.

Inummik video atorlugu killisiuinerup kingorna pisoqarpat pineqartumut suli allanik apeqquteqartoqarnissaanut pisariaqartitsisoqalerluni, illuatungeriit taamaalillutik inuuk videomut killisioqqinneqarnissaa pillugu maleruagassat malillugit ingerlataqartussaassapput. Aatsaat taamatut killisiueqqinnissaq naammangippat eqqartuussutissap isumaqatigiinniutigineqarnerata nalaani pineqartoq ilisimannittutut nassuiaateqarnissaanik peqqusilluni nalunaaruteqarnissaaq pineqarsinnaavoq.

Inuup videomut killisioqqinneqarnissaa pillugu pasisamiit illersuisumiilluunniit qinnuteqaat itigartinneqarpat eqqartuussutissap isumaqatigiinniutigineqarnerata nalaani nassuiaateqartoqarnissaa pillugu peqqusinissamut aamma tunngavissaarussaaq.

Peqqusinissamik nalunaaruteqarnissamut qaqutigoortumik taamatut tunngavissaqarnersoq aalajangersimasumik naliliinermik tunngaveqassaaq.

Inuup video atorlugu killisiorneqarsimasup nassuiaateqarnissaa pillugu qinnuteqaat sapinngisamik piaarnerpaamik eqqartuussivimmut tunniunneqartariaqarpoq, taanna aamma naatsorsuutigineqarluni sapinngisamik piaarnerpaamik nalinginnaasumillu eqqartuussutissap isumaqatigiinniutigineqarnissaa sioqqullugu tamanna pillugu aalajangiissalluni.

Eqqartuussutissap isumaqatigiinniutigineqarnerata nalaani killisiuineq aamma pisut naapertorlugit pisussaassaaq video atorlugu killisiorneqarsimasooq tamatumunnga akuersisimappat. Tassani tunngavigineqarpoq eqqartuussivimmi killisiuineq suliamut attuumassuteqartuunersoq eqqartuussiviup naliliinera, pineqartorlu akuersinissaminut pisariaqartumik inerissimasuussalluni.

Inuk video atorlugu killisiorneqarsimasooq akuersisimalluni imaluunniit peqquneqarsimalluni eqqartuussutissap isumaqatigiinniutigineqarnerata nalaani nassuiaateqarpat eqqartuussivimmi killisiuineq aallaaviatigut imatut ingerlanneqartariaqarpoq video atorlugu killisiuisimaneq siullermik takutinneqarluni, tamatumalu kingorna pineqartumut ilassutaasunik apeqquteqartoqarluni, siunnersuutigineqartoq § 155, imm. 3, oqaaseqatigiit aappaat naapertorlugu, (inatsisissatut siunnersuummi § 1, nr. 3).

Inatsisissatut siunnersuummi nalinginnaasumik nassuiaatini imm. 2.2.3-mut aamma innersuussisoqarpoq.

*Nr. 2-mut (§ 147)*

Kalaallit Nunaanni eqqartuussisarnermik inatsimmi § 147, imm. 1 atuuttoq malillugu, pissutsit tamatumunnga pissutissaqartitsippata, §§ 142-146-mi aalajangersakkat imai pillugit ilisimannittumut eqqartuussivik ilitersuussissaaq (ilisimannittup peqataatinneqannginnera aamma ilisimannittup ilaatinneqannginnera). Aalajangersakkap allanngortinnissaanik siunnersuummi tamanna aamma § 146 a siunnersuutigineqartoq malillugu ilisimannittup ilaatinnginnissaa eqqarsaatigalugu aamma atuutissaaq (inatsisissatut siunnersuummi § 1, nr. 1).

Kalaallit Nunaanni eqqartuussisarnermik inatsimmi § 348-mi § 147, imm. 1-imut innersuussinerup malitsigisaanik politiit aamma killisiuinerni § 146 a-mi siunnersuutigineqartumi ilisimannittup ilaatinnginnissaanut maleruagassat pillugit ilitsersuussisussaapput, pissutsit tamatumunnga tunngavissaqartitsippata.

Kalaallit Nunaanni eqqartuussisarnermik inatsimmi § 147, imm. 2-mi atuuttumit takuneqarsinnaavoq, §§ 142-146-mi pisuni taaneqartuni ilisimannittoq nassuiaateqarpat, eqqartuussiviup nakkutigissavaa ilisimannittumut imaluunniit isertuussisoqarnissaanik piunasaqaateqarsimasumut immikkut eqqarsaatiginnittoqartoq, tassungalu atatillugu eqqartuussivik aalajangersinnaalluni nassuiaasoqarnerata nalaani matut matoqqatinneqassasut, imaluunniit nassuiaanerup tamanut ammasumik issuarneqarnissaa inerteqqussutigalugu. Aalajangersakkap allanngortinnissaanik siunnersuutikkut tamanna aamma § 146 a siunnersuutigineqartoq malillugu ilisimannittup ilaatinnginnissaa eqqarsaatigalugu aamma atuutissaaq.

*Nr. 3-mut (§ 155, imm. 3, oqaaseqatigiit aappaat)*

Kalaallit Nunaanni eqqartuussisarnermik inatsimmi § 155, imm. 3, oqaaseqatigiinni siullerni aalajangersagaq atuuttoq malillugu meeqqanik 15-it inorlugit ukiulinnik qanoq kimillu killisiuisoqassanersoq eqqartuussivik aalajangiissaaq. § 155, imm. 3, oqaaseqatigiit aappaani siunnersuutigineqartumik tamanna aamma inunnt § 340 a malillugu video atorlugu killisiorneqarsimasunut (inatsisissatut siunnersuutip § 1, nr. 5-7-imi allannguuteqarnikkut siunnersuutigineqartoq) atuutissaaq, imaluunniit eqqartuussivik aalajangiippat § 340 a, imm. 1-imi piunasaqaatinik naamassinnittumik inummik killisiuineq video atorlugu killisiuinertut ingerlanneqassasoq.

Aalajangersakkap siunnersuutigineqartup ilaatigut kinguneraa inunnik, video atorlugu killisiorneqarsimasunik, eqqartuussutissap isumaqatigiinniutigineqarnerata nalaani qanoq aamma kina killisiuineramik ingerlataqassanersoq eqqartuussisup aalajangiinissaa. Tamanna atuutissaaq, Kalaallit Nunaanni eqqartuussisarnermik inatsimmi § 340 a malillugu imaluunniit § 155, imm. 3 malillugu eqqartuussinissaq sioqqullugu video atorlugu killisiuineq politiinit ingerlanneqarsimanera apeqqutaatinnagu. Aalajangersagaq assersuutigalugu tulluartaussaaq, inuk, video atorlugu killisiorneqarsimasooq, eqqartuussutissap isumaqatigiinniutigineqarnerata nalaani killisiorneqarnissamut

akuersisimappat, naak pineqartog § 146 a, imm. 1-imi siunnersuutigineqartog malillugu tamatumunnga pisussaaffeqanngikkaluarluni, imaluunniit § 146 a, imm. 2 siunnersuutigineqartog malillugu eqqatuussutissap isumaqatigiinniutigineqarnerata nalaani pineqartup ilisimannittut nassuiaateqarnissaanik eqqartuussivik qaqutigoorluinnartumik peqqusisimappat. Inatsisissatut siunnersuummi § 1, nr. 1-imut innersuussisoqarpoq.

Aalajangersagaq malillugu eqqartuussiviup assersuutigalugu aalajangersinnaavaa eqqartuussutissap isumaqatigiinniutigineqarnerata nalaani inummik video atorlugu killisiorneqarsimasumik killisiuineq imatut ingerlanneqassasoq video atorlugu killisiuimaneq siullermik takutinneqarluni, tamatumalu kingorna pineqartumut ilassutaasunik apeqquteqartoqarluni. Aallaaviusoq tassaasariaqarpoq killisiuinerup taamatut ingerlanneqarnera.

Pisut apeqqutaatillugit assersuutigalugu aamma aalajangiisoqarsinnaavoq inummik killisiuineq inimi eqqartuussiviusumi ingerlanneqassanngitsoq, kisianni allami aamma meeqqanut inuusuttunullu naleqqunnerusumi, assersuutigalugu eqqartuussisup allaffiani.

Aalajangersagaq siunnersuutigineqartog aamma eqqartuussivik – meeqqanut 15-it inorlugit ukiulinnut ullumikkut atuuttut assigalugit – aalajangersinnaavoq Kalaallit Nunaanni eqqartuussisarnermik inatsimmi § 343 malillugu paasiniaanerup nalaani eqqartuussinissaq sioqqullugu, § 340 a, imm. 1-imi piumasagaatinik naammassinnittumik killisiuineq video atorlugu killisiuinertut ingerlanneqassasoq. Eqqartuussinissaq sioqqullugu taamatut video atorlugu killisiuinerni periutsit atorneqartut allanngortinneqarnissaat siunertaanngilaq.

Allatigut politiinit video atorlugu killisiuinissaannut angajoqqaat akerliunissaat naatsorsuutigineqarpat eqqartuussinissaq sioqqullugu video atorlugu killisiuinerit eqqarsaatigalugit aamma inatsisissatut siunnersuummi nassuiaatinut nalinginnaasunut imm. 2.2.5.1.2-mut innersuussisoqarpoq.

Aamma inatsisissatut siunnersuummi nassuiaatini nalinginnaasuni imm. 2.2.3-mut innersuussisoqarpoq.

*Nr. 4-mut (§ 321 a)*

Tassani pineqarpoq aalajangersakkamik oqaasertaatigut pisariillisaaneq. Tassunga atatillugu siunnersuutigineqarpoq video atorlugu killisiuineq pillugu Kalaallit Nunaanni eqqartuussisarnermik inatsimmi § 340 a-mut innersuussinermik ikkussisoqassasoq (inatsisissatut siunnersuummi § 1, nr. 5-7-imi allanngortinneqartussatut siunnersuutigineqartoq). Aammattaaq siunnersuutigineqarpoq oqaatsit “pasillerneqartoq imaluunniit pasineqartoq” imatut allanngortinneqassasoq “pasisaq”. Inatsisit qanoq ittuunerini allannguisoqarnissaa siunertaanngilaq.

Taakku saniatigut aalajangersakkat oqaasertalernissaannut siunnersuutigineqartumit takuneqarsinnaassalluni illersuisussamik pissarsinissamut pisussaaffik aamma § 155, imm. 3 malillugu eqqartuussinissaq sioqqullugu video atorlugu killisiuinerni atuutissasoq.

*Nr. 5-imut (§ 340 a, imm. 1 aamma 2)*

Inatsisit atuuttut malillugit immiussap eqqartuussutissap isumaqatigiinniutigineqarnerata nalaani uppersaatitut atorneqarnissaa siunertaralugu meeqqanik 13-inik taakkulu sinnerlugit ukiulinnik video atorlugu killisiuineq taamaallaat pisinnaasoq tamatumunnga immikkorluinnaq pissutissaqarpat. Kalaallit Nunaanni eqqartuussisarnikkut inatsimmi § 340 a, imm. 1-imi aalajangersakkami siunnersuutigineqartumi video atorlugu killisiuinerup atuuffia annertusiniarneqarpoq, pingaartumik video atorlugu killisiuineq aamma eqqunngitsuliorfigineqarsimasunut imaluunniit inatsisinik unioqutitsinerit ilaannut ilisimannittunik 13-14-inik ukiulinnut pisinnaasoq.

*Imm. 1-imi* siunnersuutigineqartumi video atorlugu killisiorfigineqarsinnaasut inuit aalajangersimasut aalajangersarneqarput. Aalajangersakkakkut aamma takuneqarsinnaassaaq eqqartuussutissap isumaqatigiinniutigineqarnerata nalaani videokkut immiussap uppersaatitut atorneqarnissaa siunertaralugu video atorlugu killisiuineq ingerlanneqassasoq.

Maluginiarneqarpoq aalajangersagaq siunnersuutigineqartoq eqqartuussutissap isumaqatigiinniutigineqarnerata nalaani immiussap uppersaatitut atorneqarnissaa siunertarinagu killisiuinernik nipinik assinilluunniit politiit unnerluussisuutitaasulluunniit immiussisinnaanerannut attuinngimmat.

Imm. 1, nr. 1 siunnersuutigineqartoq malillugu inuk 13-it inorlugit ukioqarpat video atorlugu killisiuisoqarsinnaavoq. Naatsorsuutigineqarpoq meeqqanik 12-inik taakkuluunniit inorlugit ukiulinnik video atorlugu killisiuinermi periuseq atuuttoq tamarmiulluni aalajangersagaq taanna naapertorlugu ingerlateqqinneqarsinnaasoq.

Imm. 1, nr. 2-p siunnersuutigineqartup kingunerisaanik meeqqat allat 15-it inorlugit ukioqartut pisuni erseqqinnerusumik allattorneqartuni arlalinni video atorlugu killisiorneqarsinnaapput.

Imm. 1, nr. 2, litra a siunnersuutigineqartoq malillugu taamaalilluni meeqqanik 15-it inorlugit ukiulinnik video atorlugu killisiuisoqarsinnaavoq, paasiniaaneq qanigivallaakkamik atoqateqarneq pillugu § 74-imik unioqutitsinermut imaluunniit Kalaallit Nunaanni pinerluttulerinermi inatsimmi kinguaassiutitigut pinerluutit pillugit kapitali 18-imut tunngasuuppat. Taamaalilluni qanigivallaakkamik atoqateqarnermut imaluunniit kinguaassiutitigut pinerlunnernut tunngasuni suliani tamanit meeqqanik 13-14-inik ukiulinnik video atorlugu killisiuisoqarsinnaavoq. Tamanna atuuppoq meeraq nammineq pinerluummi ilimagineqartumi eqqunngitsuliorfigineqarsimanera imaluunniit ilisimannittuunera apeqqutaatinnagu.

Imm. 1, nr. 2, litra b siunnersuutigineqartoq malillugu meeqqanik 15-it inorlugit ukiulinnik video atorlugu killisiuisoqarsinnaavoq, paasiniaaneq Kalaallit Nunaanni pinerluttulerineq pillugu inatsimmi § 86, imm. 1-imik (toqutsineq) imaluunniit § 88, oqaaseqatigiinnut siullernut (persuttaanermut) tunngassuteqarpat, meeraq meeqqallu qaninnersai eqqunngitsuliorfigineqartuullutik, aamma pasineqartoq meeqqap qanigisaanut ilaalluni (ilaqutariinni persuttaasarneq). “Qaninnerni” paasineqarpoq ilisimannittunik ilaatitsinnginneq pillugu inuit Kalaallit Nunaanni eqqartuussisarnermik inatsimmi § 144-mut ilaasut, tassa imaappoq aallaaviatigut toqqaannartumik ilaquttat, qatanngutit aamma angajoqqaarsiat.

Tamanna aamma atuutissaaq paasiniaaneq qulaani aalajangersakkat taaneqartut arlaannik unioqutitsinernik misiliinermut tunngasuuppat.

Imm. 1, nr. 2, litra b siunnersuutigineqartup kinguneraa meeqqap ilaqutaanut ilaasunit imaluunniit assersuutigalugu meeqqap angajoqqaavisa arlaannit angajoqqaap aappaanut imaluunniit meeqqap qatanngutaanut meeqqamut 13-14-inik ukioqartumut

persuttaasoqarsimaneranik pasinnittoqarpat. Akerlianilli inummit allamit 13-14-inik ukiulimmut persuttaaneq pillugu suliat aalajangersakkami ilaanngillat. Aammattaaq 13-14-inik ukiulik meeqqap angajoqqaavinit qatanngutaaniilluunniit inummut allamut persuttaanermut ilisimannittutut ilimagineqarpat.

Oqaatigineqassaaq imm. 1, nr. 2-mi siunnersuutigineqartumut ilaanngitsut qanoq pisoqarnera apeqquataatillugu imm. 1, nr. 3 siunnersuutigineqartoq malillugu video atorlugu killisiuisoqarsinnaavoq, tassaniilluni meeqqat inuusuttullu 18-it inorlugit ukiullit allat pillugit katersuuffiusumik aalajangersakkamik imaqartoq, ataani erseqqissaaneq naapertorlugu.

Aammattaaq oqaatigineqassaaq politiit aamma unnerluussissuutitaasut pinngitsooratik video atorlugu killisiuissanngillat, naak suliaq imm. 1, nr. 2-mut ilaagaluartoq. Video atorlugu killisiuineq taamaalilluni assersuutigalugu pinngitsoorneqarsinnaavoq meeraq nalilerneqarpat taamatut suleriaaseqarnermik pisariaqartitsinngitsoq. Aammattaaq video atorlugu killisiuisoqartariaqanngilaq, paasinarpat meeqqamiit ilisimannittut nassuiaat pinerluttulerinermi suliap ingerlanneqarnissaanut pisariaqanngippat, assersuutigalugu suliami allanik ilisimannittoqarpat, imaluunniit eqqartuussummik aalajangiisoqarnissaanik unnerluussisussaataitaasut naliliippata teknikkikkut naammattumik uppernarsaatissanik peqartoq – assersuutigalugu internettikkut kanngutsaatsuliortoqarsimasoq. Aamma imaassinnaavoq meeqqamik aallarniutaasumik killisiuinermi paasineqartoq paasiniaanerup ingerlateqqinneqarnissaanut tunngavissaqanngitsoq.

Imm. 1, nr. 3 siunnersuutigineqartoq malillugu video atorlugu killisiuisoqarsinnaavoq, inuk 18-it inorlugit ukioqarpat aamma taamaaliortoqarnissaanut pissutissaqarpat.

Tassani pineqarpoq katersuuffiusumik aalajangersagaq. Aallaavisoq tassaassaaq meeqqat inuusuttullu 18-it inorlugit ukiullit, imm. 1, nr. 1 imaluunniit 2-mut siunnersuutigineqartumut ilaanngitsut, eqqartuussivimmi nassuiaateqassasut.

Imm. 1, nr. 3 siunnersuutigineqartoq malillugu video atorlugu killisiuisoqarsinnaassaaq meeqqap inuusuttulluunniit eqqaamasaqarnera imaluunniit ilaqttaniit allaniilluunniit sunnerneqarnissaata pinngitsoortinnissaa siunertaralugu. Siunertaq tassaassaaq meeqqamik inuusuttumilluunniit illersuinissaq.

Taamatut immikkorluinnaq pisoqarnerseq, meeraq inuusuttorluunniit 18-it inorlugit ukiulik katersuuffiusumik aalajangersagaq siunnersuutigineqartoq malillugu video atorlugu killisiorneqartariaqarluni, tamanna unioqqutitsinerup suuneranik, pinerlunnermi pisut aamma meeqqap inuusuttulluunniit inuttut atugaanik naliliinermik tunngaveqassaaq, tassunga ilanngullugit ukiut kiisalu tarnikkut ineriartorsimaneq qanoq ittuunerlu. Naliliineq aalajangersimasoq tunuliaqutaralugu ilimagineqarpat meeraq inuusuttorluunniit immikkut illersorneqarnissaminik pisariaqartitsisoq, tamannalu eqqartuussivimmi uppernarsaatit atorneqarsinnaasumik video atorlugu killisiunermik anguneqarsinnaalluni taava video atorlugu killisiuisoqartariaqarpoq, eqqartuussutissap isumaqatigiinniutigineqarnerata nalaani meeqqap inuusuttulluunniit killisiorneqarnissaa pinnagu.

Oqaatigineqassaaq qanorluunniit pisoqaralarpat video atorlugu killisiuisoqartariaqarmat, meeraq inuusuttorluunniit annertuumik tarnikkut nappaateqarpat imaluunniit annertuumik sulisinnaanera annikillisimappat, aamma pineqartoq 18-inik taakkuluunniit sinnerlugit ukioqarpat, inersimasut taamatut nappaatillit imaluunniit sulisinnaanerisa annikillisimanerat pillugu imm. 1, nr. 4 siunnersuutigineqartoq malillugu video atorlugu killisiuinissamut periarfissaqartussaavoq, ataaniittoq erseqqinnerusooq naapertorlugu.

Katersuuffiusumik aalajangersagaq malillugu qanoq ittukku immikkut pisoqarnerani video atorlu killisiunermik ingerlatsisoqartariaqarnera pillugu apeqqut ataani imm. 1, nr. 2-mi siunnersuutigineqartumut ilaanngitsut meeqqanut 13-14-inik ukiulinnut (kinguaassiutitigut pinerluttuliorneq, qanigivallaakkanik atoqateqarneq imaluunniit ilaqutariinni persuttaaneq pillugu suliani) aamma inuusuttunut 15-17-inik ukiulinnut erseqqinnerusumik allaaserineqarpoq. Taamaattorli erseqqissarneqassaaq tamakkiisumik allaaserinninneq pineqanngimmat, tassa video atorlugu killisiuisoqartariaqarnerseq pillugu apeqqut pisuni tamani suliami qanoq pisoqarsimaneranik aalajangersimasumik naliliinermik tunngaveqartussaammat.

Meeqqat 13-14-inik ukiullit katersuuffiusumik aalajangersagaq malillugu apersorneqarsinnaapput, aalajangersimasumik naliliinerup kingorna imm. 1, nr. 2-mi siunnersuutigineqartumi eqqaaneqartumi suliani meeqqap illersorneqarnissaanut annertuumik pisariaqartitsisoqarpat (kinguaassititigut pinerluttuliorneq, qanigivallaakkamik atoqateqarneq imaluunniit ilaqutariinni persuttaaneq pillugu suliani).



Katersuuffiusumik aalajangersagaq malillugu eqqunngitsuliorfigineqartumik imaluunniit ilisimannittumik meqqamik 13-14-inik ukiulimmik video atorlugu killisiuineq ilaatigut inummut navianartumik ilungersunartumik pinerluuteqarneq, inatsisit unioqqullugit pinngitsaaliineq (Kalaallit Nunaanni pinerluttulerinerineq pillugu inatsimmi § 91) imaluunniit inunnik niuerneq (§ 93) pillugu suliami naleqqutissaaq, suliaq meeqqamut immikkut annertuumik artukkiisutut nalilerneqarpat. Tamanna aamma suliani allani meeqqamut immikkut annertuumik artukkiisutut nalilerneqartunut atuuppoq.

Assersuutitut eqqaaneqarsinnaavoq meeqqap (naak pineqartoq qaniginerpaasanut ilaanngikkaluartoq) atassuteqarfigisaanik meeraq inummit sakkortuumik persuttaanneqarsimappat, imaluunniit meeraq tatiginninnikkut akerleriiffigisaanik. Assersuutigalugu meeqqap sumiiffigisaani meeqqerivimmi sulisoq pineqarsinnaavoq, imaluunniit meeqqamut isumassuisoq alla.

Assersuutitut aamma eqqaaneqarsinnaavoq angajoqqaami arlaata imaluunniit qanigisaata toqunneqarneranut meeraq ilisimannittut naatsorsuutigineqarpat (inummit meeqqap qanigisaanut ilaanngitsaq). Aamma meeraq angallannermi ajunaarnermut ilisimannittuusinnaavoq, qanigisaasa ilaa toqukkat qimagussimalluni, aamma piaarinani toqutsisoqarneranik unnerluussisoqarluni. Video atorlugu killisiuineq aamma naleqqussinnaavoq meeraq inummut allamut taamatut pinerluuteqartumut ilisimannittuuppat, suliaq aalajangersimasumik meeqqamut immikkut artukkiisutut nalilerneqarpat.

Video atorlugu killisiuineq aallaaviatigut pinnanniarluni pinerluttuliorneq pillugu suliani naleqqutissanngilaq. Meeraq 13-14-inik ukiulik ilimagineqarpat assersuutigalugu tillinniarfigineqarsimasoq imaluunniit tamatumunnga ilisimannittusoq meeraq taamaalilluni eqqartuussivimmi nassuiaasussaassaaq, meeqqap nassuiaataa suliamut pingaaruteqarpat. Meeraq 13-14-inik ukiulik ilimagineqarpat tillinniarfigineqarsimasoq ilimagineqarpat (inummit meeqqap qanigisaanut ilaanngitsumit) tillinniarneq ilimagineqartoq meeqqamut sakkortuumik artukkiisimalluni video atorlugu killisiuisoqassanersoq aalajangersimasumik naliliinermik tamanna tunngaveqassaaq. Tassani naliliineq ilaatigut tillinniarneq arlallit peqatigiillutik ingerlanneqarsimanersoq, pinerluuteqartut pasineqartut ukiui aamma meeqqamut attumassuteqarnersut, assersuutigalugu persuttaasoqarsimanersoq imaluunniit sakkut atorlugit sioorasaarisqarsimanersoq, aamma tillinniarneq meeqqap angerlarsimaffiani ingerlanneqarsimanersoq.

Meeqqap inuttut atugai, tassunga ilanngullugit tarnikkut ineriatorsimanera qanorlu ittuunera aamma inatsisinik unioqqutitsisutut ilimagineqartup pineqartumut inissisimanera aamma video atorlugu killisiuisoqartarneranik kinguneqarsinnaavoq.

Pisut apeqqutaatillugit aamma video atorlugu killisiuisoqarnissaanut tunngavissaqarsinnaavoq meeraq 13-14-inik ukiulik suliami nassuiaateqartussaappat, eqqartuussutissap isumaqatigiinniutigineqarnerup ingerlanneqarnissaanut sinaakkutaasutut ilimagisat malitisiqisaannik eqqartuussivimmi nassuiaateqarnissaq meeqqamut sakkortuumik artornartussaasoq nalilerneqarpat. Assersuutigalugu taamaattoqarsinnaavoq tusagassiortunit annertuumik malinnaaffigineqarnissaa ilimagineqarpat imaluunniit eqqartuussivik politiinit nakkutigineqartussaalluni.

Inuusuttut 15-17-inik ukiullit aallaaviatigut eqqartuussivimmi ilisimannittutut nassuiaateqartussaapput taamaalillutillu video atorlugu killisiorneqarnatik.

Katersuuffiusumik aalajangersagaq malillugu inuusuttumik 15-17-inik ukiulimmik video atorlugu killisiuineq aallaaviatigut qulaani eqqaaneqartumik meeqqanut 13-14-inik ukiulinnut tunngasuni suliat assingi pineqartillugit, kiisalu kinguaassiutitigut pinerluuteqarnerit, qanigivallaamik atoqateqarneq imaluunniit ilaqutariinni persuttaaneq pillugu suliani. Taamaattorli meeqqamut 13-14-inik ukiulimmut naleqqiullugu inuusuttumik 15-17-inik ukiulimmik video atorlugu killisiuisoqarnissaanik annertunerusut pissutaasariaqarput. Taakku saniatigut inuusuttoq utoqqaanerupput nalinginnaasumik annertunerusut pissutaasariaqarput.

Inuusuttunik 15-17-inik ukiulinnik video atorlugu killisiuineq aatsaat pineqartariaqarpoq pineqartup inuttut atugai pillugit paasissutissat aamma inatsisinik unioqqutitsineq ilimagineqartoq pillugu paasissutissat pinerluttuliornermilu pisut taamaaliorneqarnissaanut pissutissaqartitsippata.

Pingaarnertut malitassaq tassaasariaqarpoq inuusuttoq suliami eqqunngitsuliorfigineqarsimappat taamaallat video atorlugu killisiuisoqartariaqarpoq. Taamaattorli inuusuttoq unioqqutitsinermut ilimagineqartumut taamaallaat ilisimannittuulluni, kisiannili pineqartup eqqunngitsuliorfigineqarsimaneratulli inuusuttup illersorneqarnissaanut taamaaqataanik eqqarsaatiginnittoqarluni.

Inuusuttumik 15-17-inik ukiulimmik video atorlugu killisiuinissap eqqarsaatiginissaanut assersuutitut imatut pisoq eqqaaneqarsinnaavoq inuusuttoq pinngitsaalisalluni atoqateqarsimaneranik ilimagineqarluni, imaluunniit pineqartup angajoqqaavinit qanigisaanilluunniit allanit sakkortoorujussuarmik persuttarneqarsimalluni, peqatigisaanillu inussuttoq immikkorluinnaq atugarliorluni, assersuutigalugu pineqartup inuuniarnikkut ajornartorsiuteqarnera pissutigalugu aamma ilaquuttaminiit atassuteqarfigisaminilluunniit suliap nalaani tapersorneqarnissaa naatsorsuutigineqarnani. Tamanna aamma pinerluttuliorneq inummit allamit, inuusuttup atassuteqarfigisaanit ingerlanneqarsimanera ilimagineqarpat, imaluunniit inuusuttoq tatiginninnikkut taanna akerleriiffiginissaa naatsorsuutigineqarluni.

Video atorlugu killisiusoqartariaqarnerseq pillugu naliliinermi aamma inuusuttoq illersorniarlugu periarfissat allat aamma ilaatinneqartariaqarput, tassunga ilanngullugu pineqartup eqqartuussivimmi killisiorneqarnerata nalaani matut matoqqatinneqarnissaannik periarfissaq (Kalaallit Nunaanni eqqartuussisarnermik inatsimmi §§ 114 aamma 115) imaluunniit unnerluunneqartoq najuutsinnagu killisiuineq ingerlanneqarluni (§ 458). Inuusuttup illersorneqarnissaanut periarfissat taakku naammappata video atorlugu killisiuisoqartariaqanngilaq.

Imm. 1, nr. 4 siunnersuutigineqartoq malillugu inummik 18-inik sinnerlugilluunniit ukiulimmik aamma annertuumik tarnikkut nappaateqartumik imaluunniit annertuumik sulisinnaanera annikillisimasumik video atorlugu killisiuisoqarsinnaavoq, immikkut pissutsit taamaaliortoqarnissaanut pissutissaqartitsippata.

Naatsorsuutigineqarpoq periuseq atuuttoq, taanna malillugu meeqqanik video atorlugu killisiuineq pillugu Kalaallit Nunaanni eqqartuussisarnermik inatsimmit maleruagassat atorneqarneri inunni annertuumik tarnikkut nappaateqartuni imaluunniit annertuumik sulisinnaaneri annikillisimasuni ilaatigut atorneqarsinnaasoq aalajangersagaq taanna malillugu ingerlateqqinneqarpoq.

Oqaatigineqarpoq imm. 1, nr. 1-4-mi siunnersuutigineqartumi piumasaqaatit naammassineqarnerisut pillugu naliliineq piffissami video atorlugu killisiuinermi siullermi isumagineqartussaassaaq.

Video atorlugu inuk killisiorneqarsimasoq videomut killisiorneqaqqinnissani kissaatigippagu aalajangiisuusoq taamaalilluni tassaassaaq inummik piffissami video atorlugu killisiuinermi siullermi video atorlugu killisiuineq pillugu piumasaqaatit naammassineqarsimanersut.

Tamanna aamma atuutissaaq video atorlugu killisiuineq arlaleriarluni ingerlanneqarsimappat, tamanna pillugu inatsisissatut siunnersuummi nassuiaatit nalinginnaasut imm. 2.2.5.1.3-mi takuneqarsinnaapput.

Video atorlugu killisiuineq naammassineqarpat Kalaallit Nunaanni eqqartuussisarnermik inatsimmi § 146 a siunnersuutigineqartup malitsigisaanik (inatsisissatut siunnersuummi § 1, nr. 1) pineqartoq aallaaviatigut eqqartuussutissap isumaqatigiinniutigineqarnerata nalaani ilisimannittutut nassuiaateqarnissamut ilaatinneqassanngilaq, tamanna qanoq ilineranilluunniit pinersaq apeqqutaatinnagu.

*Imm. 2* siunnersuutigineqartoq malillugu illersuisoq video atorlugu killisiuinermi najuuttussaavoq. Aalajangersagaq § 340 a, imm. 1-p atuuttup oqaasertaatigut allannguutinit naapertuuppoq, aamma inatsisit atuuttut allanngortinneqarnissaat siunertarineqarnani.

Inatsisissatut siunnersuummi nassuiaatini nalinginnaasuni imm. 2.2.2-mut aamma innersuussisoqarpoq.

*Nr. 6-imut (§ 340 a, imm. 3)*

Siunnersuutigineqarpoq Kalaallit Nunaanni eqqartuussisarnermik inatsimmi § 340 a, imm. 2, inatsisissatut siunnersuut § 1, nr. 5-ikkut imm. 3-nngortumi oqaatsit “pasitsaassaq imaluunniit pasisaq” imatut allanngortinneqassasoq “pasisaq”. Taamaallaat oqaasertaatigut pisariillisaaneq pineqarpoq, aamma taamaaliornikkut inatsisip atuuttup allanngortinneqarnissaa siunertaanani.

Aamma siunnersuutigineqarpoq oqaaseq “meeraq” imatut allanngortinneqassasoq “inuk”, § 340 a, imm. 1-ip siunnersuutigineqartup kingunerisaatut, inatsisissatut siunnersuummi § 1, nr. 5 naapertorlugu, aamma inunnik meeqqatut taagorneqanngitsunik video atorlugu aamma killisiuisoqartartussaammat.

*Nr. 7-imut (§ 340 a, imm. 4)*

Kalaallit Nunaanni eqqartuussisarnermik inatsimmi § 340 a, imm. 1-imi, inatsisissatut siunnersuummi § 1, nr. 5 naapertorlugu, aalajangersakkap siunnersuutigineqartup malitsigisaanik eqqartuussutissap isumaqatigiinniutigineqarnerata nalaani immiussap uppersaatitigut atorneqarnissaa siunertaralugu inummik video atorlugu killisiusoqassanersoq pillugu aalajangiineq siullermik paasiniaanermut atatillugu politiinit aamma unnerluussisuutitaasunit aalajangerneqartussaavoq. Pasineqartorli imaluunniit illersuisoq imatut isumaqarsinnaavoq aalajangersagaq malillugu video atorlugu killisiuinissamut piunasaqaatit naammassineqarsimanngitsut, imaluunniit allanik peqquteqartumik video atorlugu killisiuineq § 467 a naapertorlugu eqqartuussutissap isumaqatigiinniutigineqarnerata nalaani uppersaatit atorneqarsinnaanngitsoq.

Siunnersuutigineqarpoq pasineqartoq illersuisorluunniit, video atorlugu killisiuineq eqqartuussutissap isumaqatigiinniutigineqarnerata nalaani uppersaatit atorneqarnissaanut pineqartoq akkerliussappat, video atorlugu killisiuinerup ingerlanneqarnerani kingusinnerpaamik sapaatit akunneri sisamat kingorna apeqqut eqqartuussivimmut qaqitsisinnaasoq, taamaattorli siunnersuutigineqartoq imm. 4, oqaaseqatigiit aappaat naapertorlugu, piffissaliussamik qaangiisinnaaneq utoqqatsissutaasinnaasup soqutigineqannginnissaanut periarfissaq pillugu.

Apeqqut taamaalilluni eqqartuussivimmut suliassanngortinneqarpat Kalaallit Nunaanni eqqartuussisarnermik inatsimmi § 467 a malillugu video atorlugu killisiuineq eqqartuussutissap isumaqatigiinniutigineqarnerata nalaani uppersaatit atorneqassanersoq eqqartuussivik isummertussanngussaaq (soorlu inatsisissatut siunnersuummi § 1, nr. 10 oqaasertalerneqartoq).

Video atorlugu killisiuineq uppersaatit atorneqassanngitsoq eqqartuussivik aalajangerpat, tamatumunngalu pissutaasoq tassaalluni video atorlugu killisiuinerup ingerlanneqarnissaanut piunasaqaatit naammassineqarsimanngitsut, § 146 a siunnersuutigineqartoq (inatsisissatut siunnersuummi § 1, nr. 1) malillugu meeraq inuusuttorluunniit eqqartuussutissap isumaqatigiinniutigineqarnerata nalaani ilisimannittut nassuiaateqarnissamut ilaasussaassanngilaq.

Video atorlugu killisiuineq uppersaatitut atorqassanngitsoq eqqartuussivik aalajangerpat, video atorlugu killisiuinissamut suleriaatsit pillugit maleruagassat saneqqunneqarsimmata, pisut naapertorlugit tamatuma uppersaatitut atorqarnissaa siunertaralugu nutaamik video atorlugu killisiuineq ingerlanneqartussanngussaaq.

Naatsorsuutigineqarpoq eqqartuussivik, apeqqut eqqartuussivimmut suliassanngortinneqarpat, video atorlugu killisiuisimaneq eqqartuussutissap isumaqatigiinniutigineqarnerata nalaani uppersaatitut atorqassanersoq piaartumik isummertussaassaaq.

Maluginiarneqarpoq video atorlugu killisiuisimaneq eqqartuussutissap isumaqatigiinniutigineqarnerata nalaani uppersaatitut atorqarnissaanut akerriliinissamut piffissaliussaq siunnersuutigineqartoq eqqartuussutissap isumaqatigiinniutigineqarnerata nalaani video atorlugu killisiuinerup uppersaatitut pingaaruteqarneranut pasineqartup akerriliinissaanut periarfissaarutsinneqanngitsoq. Taamaalilluni uppersaammik killilersorneqarnani naliliisinnaaneq pillugu tunngavik naapertorlugu video atorlugu killisiuinerup nalaani nassuiaat saqqummiunneqarsimasoq uppersaatitut qanoq pingaaruteqarneranik eqqartuussivik aalajangiisussaavoq.

Tamatuma saniatigut maluginiarneqarpoq video atorlugu killisiuineq arlaleriarlugu ingerlanneqarpat, tamanna pillugu inatsisissatut siunnersuummi nassuiaatini nalinginnaasuni imm. 2.2.5.1.3 naapertorlugu, killisiuinernut taakkununga ataasiakkaanut tamanut immikkut sapaatit akunnerinik sisamanik piffissaliussaq atuuttussaavoq. Taamaaqataanik killisiueqqittoqarnissaanut tunngatillugu akerriliinissamut immikkut piffissaliussaq atuutissaaq. Taamaattorli maluginiarneqarpoq video atorlugu killisiuinerup ingerlanneqarnissaanut piumasaqaatit naammassineqarsimaneramik naliliineq video atorlugu killisiuinerup siulliup nalaani isumagineqartussaammat, § 340 a, imm. 1-imut siunnersuutigineqartumut nassuiaatit (inatsisissatut siunnersuummi § 1, nr. 5) naapertorlugu.

Imm. 4, oqaaseqatigiit aappaat siunnersuutigineqartoq malillugu piffissamik qangiinermut utoqqatsissutigineqarsinnaasumik eqqartuussivik soqutiginnissanngilaq.

Assersuutigalugu sapaatit akunnerinik sisamanik piffissaliussap naanerata kingorna video atorlugu killisiuinerup uppersaatitut atorqarnissaanut pingaaruteqartunik

paasissutissanik nutaanik takkuttoqarneranik pissuteqartumik piffissamik qaangiineq soqutigineqanngissinnaavoq, assersuutigalugu kingunerisaanik video atorlugu killisiuisimasoq suliami attuumassuteqarneranik paasissutissaq.

Naatsorsuutigineqarpoq piffissamik qaangiinermik utoqqatsissutaaneq pineqarnerasoq eqqartuussivik piaartumik aalajangiissasoq, taamaattoqassappallu video atorlugu killisiuineq eqqartuussutissap isumaqatigiinniutigineqarnerata nalaani uppernarsaatitut atorneqarsinnaanersoq

Aamma inatsisissatut siunnersuummi nassuiaatinut nalinginnaasuni imm. 2.2.4-mut innersuussisoqarpoq.

*Nr. 8-mut (§ 344, imm. 1, oqaaseqatigiit pingajuat)*

Kalaallit Nunaanni eqqartuussisarnermik inatsimmi § 344, imm. 1, oqaaseqatigiit pingajuanni aalajangersagaq atuuttoq malillugu, killisiuineq videomut immiunneqassasoq § 155, imm. 3 malillugu eqqartuussivik aalajangiisimappat, meeqqamik killisiuinissaq siunertaralugu eqqartuussinissamut piareersaanermi pasineqartoq malinnaanissamut pisinnaatitaaffeqanngilaq.

Aalajangersakkap allanngortinnissaanut siunnersuutigineqartoq § 340 a, imm, 1 aamma § 155, imm. 3, oqaaseqatigiit aappaat siunnersuutigineqartut kingunerisaraat, inatsisissatut siunnersuummi § 1, nr. 3 aamma 5 naapertorlugu Inatsisit imaanik allanngortitsinissaq siunertarineqanngilaq, tassunga ilanngullugu eqqartuussinissaq sioqqullugu video atorlugu killisiuinerup ingerlanneqarneranut suleriaatsinut tunngasut.

*Nr. 9-mut (§ 448)*

Kalaallit Nunaanni eqqartuussisarnermik inatsimmi § 448 malillugu matut matoqqatinnissaat, imaqarniliornissamut inerteqqussut, atit atorneqarnissaannik inerteqqut pillugit aalajangiineq aamma ilisimannittumik killisiusinerup nalaani pasineqartup inimik eqqartuussiviusumik qimatsinissaa pillugu eqqartuussutissap isumaqatigiinniutigineqarnissaa sioqqullugu aalajangiiffigineqassaaq, politiit, illersuisoq imaluunniit ilisimannittoq tamatuminnga qinnuteqarpat.

Aalajangersakkap allanngortinnissaanut siunnersuutigineqartukku eqqartuussutissap isumaqatigiinnitigineqarnissaa sioqqullugu politiinit, illersuisumit imaluunniit ilisimannittumiit qinnuteqartoqarneratigut meeqqamik 15-it inorlugit ukiulimmik, video atorlugu killisiorneqarsimasumik, qanoq aamma kina killisiuissanersoq eqqartuussivik aalajangersinnaavoq, § 155, imm. 3 naapertorlugu, (inatsisissatut siunnersuummi § 1, nr. 3-kkut allanngortinneqassasoq siunnersuutigineqartoq).

inatsisissatut siunnersuummi nassuiaatinut nalinginnaasunik imm. 2.2.3-mut innersuussisoqarpoq.

*Nr. 10-mut (§ 467 a)*

Kalaallit Nunaanni eqqartuussisarnermik inatsimmi § 467 a-p oqaasertassaanik siunnersuutigineqartoq malillugu, annertuutigut aalajangersakkamik atuuttumik ingerlatitseqqinnerusoq, § 340 a imaluunniit § 155, im. 3 malillugu video atorlugu killisiuineq eqqartuussutissap isumaqatigiinniutigineqarnerata nalaani uppersaaitut atorneqarsinnaavoq.

Video atorlugu killisiuineq taamaalillu maannamutulli eqqartuussutissap isumaqatigiinniutigineqarnerata nalaani uppersaaitut atorneqarsinnaavoq. Tassanili naatsorsuutigineqarpoq § 340 a, imm. 1-imi siunnersuutigineqartumi inuup video atorlugu killisiorneqarnissaanut piumasaqaatit, inatsisissatut siunnersuummi § 1, nr. 5 naapertorlugu, piffissami killisiuinissamut naammassineqarsimassasut. Aammattaaq naatsorsuutigineqarpoq – manna tikillugu pisartut assigalugit - § 340 a-mi suleriaaseq video atorlugu killisiuinerup atatillugu malinneqarsimassasoq.

§ 340 a, imm. 4 siunnersuutigineqartoq malillugu, inatsisissatut siunnersuummi § 1, nr. 7 naapertorlugu, pasineqartoq imaluunniit illersuisoq, video atorlugu killisiuineq eqqartuussutissap isumaqatigiinniutigineqarnerata nalaani uppersaaitut atorneqarnissaanut pineqartoq akerrileerusuppat, video atorlugu killisiuinerup kingusinnerpaamik sapaatit akunneri sisamat kingorna apeqqut eqqartuussivimmut qaqissinnaavaa. Taamaattoorli utoqqatsissutaasinnaasumik piffissamik qaangiineq soqutigineqanngissinnaavoq.



Pasisaq isumaqartoq § 340 a malillugu video atorlugu killisiuineq uppersaaititigut atorneqarsinnaangitsoq, kisiannili piffissaliussap iluani apeqqummik eqqartuussivimmuut suliassanngortitsisimanngitsoq, taamaalilluni video atorlugu killisiuineq eqqartuussutissap isumaqatigiinniutigineqarnerata nalaani uppersaaitit atorneqarnissaanut taamaallaat akerliliisinnaavoq, akerliliinerup siusinnerusukku atuuksinneqarsimannginneranut utooqatsissutissaqarpat.

Taamaattorli uppersaammik killilersorneqanngitsumik naliliineq pillugu tunngavik naapertorlugu video atorlugu killisiuinermi nassuiaat saqqummiunneqarsimasoq uppersaaitit atorneqarsinnaanersoq eqqartuussiviup aalajangiiffigisussaavaa.

Taakku saniatigut § 467 a-mi atuuttup malitsigisaanik inatsisit allanngortinneqarnissaat siunertaanngilaq, tassunga ilanngullugu video atorlugu killisiuinerup uppersaaitit atorneqarsinnaanera, video atorlugu killisiuinerup ingerlanneqarnera pillugu suleriaaseq pillugu maleruagassanik saneqqussisoqarsimappat.

Aamma inatsisissatut siunnersuummi nassuiaatinut nalinginnaasunut imm. 2.2.4-mut innersuussisoqarpoq.

*Nr. 11-mut (§ 743, imm. 1)*

Allannguutissatut siunnersuutigineqartup kinguneraa kredsdommeri Kalaallit Nunaanni Eqqartuussiviit pillugit Siunnersuisoqatigiinni ilaasortatut toqqarneqassasoq, taamaalilluni 13-inut taarsiullugu ilaasortat 14-iulerlutik.

Aamma inatsisissatut siunnersuummi nassuiaatinut nalinginnaasunut imm. 3-mut innersuussisoqarpoq.

*Nr. 12-mut (§ 743, imm. 2, oqaaseqatigiit aappaat)*

Allannguutissatut siunnersuutigineqartup kinguneraa Kredsdommerit peqatigiiffiannit inassuteqartoqarneratigut justitsministeri Kalaallit Nunaanni Eqqartuussiviit pillugit Siunnersuisoqatigiinni ilaasortassamik kredsdommerimik toqqaassasoq.

llanngussaq 2

Aamma inatsisissatut siunnersuummi nassuiaatinut nalinginnaasunut imm. 3-mut innersuussisoqarpoq.

§ 2-mut

Siunnersuutigineqarpoq inatsit ulloq 1. april 2016-imi atuutilissasoq.

Meeqqanik inuusuttunillu video atorlugu killisiuinerit eqqartuussutissap isumaqatigiinniutigineqarnerata nalaani uppersaatitut atorneqarnissaanik annertusinissaanik siunnersuutigineqartoq (inatsisissatut siunnersuummi § 1, nr. 5 aamma 10) killisiuinerit inatsisip atuutilersinneraniit ingerlanneqartunut atuutissaaq.

Video atorlugu killisiuinerit, manna tikillugu maleruagassat naapertorlugit inatsisip atuutilernissaa sioqqullugu ingerlanneqarsimasut maannamut annertussuseqartumik Kalaallit Nunaanni eqqartuussisarnermik inatsimmi 467 a naapertorlugu eqqartuussutissap isumaqatigiinniutigineqarnerata nalaani uppersaatitut atorneqarsinnaassapput (soorlu inatsisissatut siunnersuummi § 1, nr. 10 oqaasertalerneqartoq). Inuit, inatsisip atuutilernissaa sioqqullugu video atorlugu killisiorneqarsimasut, inatsisip atuutilerit kingorna § 146 a-mi siunnersuutigineqartumi ilisimannittut ilaatinnginnissaannut aalajangersakkamut ilaatinneqassapput (inatsisissatut siunnersuut § 1, nr. 1).

**Ilanngussaq 1**

**Inatsisissatut siunnersuutip inatsimmut atuuttumut sanilliunneqarnera**

<i>Oqaasertat atuuttut</i>	<i>Inatsisissatut siunnersuut</i>
	<p><b>§ 1</b></p> <p>Kalaallit Nunaanni eqqartuussisarnermik inatsimmi, inatsit nr. 305, 30. april 2008-meersumi, inatsisikkut nr. 1388, 23. december 2012-imeersukkut, inatsisikkut nr. 735, 25. juni 2014-imeersukkut aamma inatsisikkut nr. 740, 25. juni 2014-imeersukkut allanngortinneqartumi uku allanngortinneqarput:</p>
	<p><b>1.</b> § 146-p kingorna ikkunneqarpoq:</p> <p>”§ <b>146 a.</b> Inuk, § 340 a imaluunniit § 155, imm. 3 malillugu video atorlugu killisiorneqarsimasoq eqqartuussutissap isumaqatigiinniutigineqarnerata nalaani ilisimannittutut pinngitsoorani nassuiaateqartussaangilaq.</p> <p><i>Imm. 2.</i> Eqqartuussiviup qaqutigoorluinnartumik imm. 1-imut ilaasoq inuk eqqartuussutissap isumaqatigiinniutigineqarnerata nalaani</p>

	<p>ilisimannittutut nassuiaateqarnissaanut peqqusinnaavaa, tamanna suliap aalajangiiffiginissaanut pingaaruteqarluinnarpat, inuullu videomut killisioqqinnissaa naammangippat.”</p>
<p><b>§ 147.</b> Eqqartuussivik §§ 142-146-mi aalajangersakkat imarisaat pillugit ilisimannittunut ilitsersuisassaaq, pissutsit tamatumunnga tunngavissaqartitsippata. <i>Imm. 2.</i> Ilisimannittoq pisuni §§ 142-146-mi taaneqartuni nassuiaateqassappat eqqartuussiviup sianigisassavaa ilisimannittup imaluunniit isertuunneqartussaasup immikkut ittumik qajassuunneqarnissaa. Eqartuussiviup tamatumunnga atatillugu aalajangersinnaavaa nassuiaasoqarnerani matut matuneqassasut imaluunniit nassuiaatinik tamanut issuaanissaq inerteqqutigalugu.</p>	<p><b>2. § 147, imm. 1</b> aamma 2-mi, ”§§ 142-146” imatut allanngortinneqarpoq: ”§§ 142-146 a”.</p>
<p><b>§ 155.</b> (...). <i>Imm. 3.</i> Eqqartuussisut aalajangertassavaat meeqqat 15-it inorlugit ukiullit qanoq kimillu killisiorneqassasut. Kommunalbestyrelsimut sinniisuutitamik inummilluunniit allamik killisiuisoqarnerani ikiunnissamat piukkunnaatilimmik aggersaasinnaapput. Eqqartuussisut pineqartoq taanna taartisiassaqartissinnaavaat § 160, imm. 1-imi malittarisassat malillugit.</p>	<p><b>3. § 155, imm. 3</b>-mi, oqaaseqatigiit siulliit kingorna ikkunneqarpoq:</p> <p>”Pinerluttulerinermi suliani tamanna inunnut, § 340 a malillugu video atorlugu killisiorneqarsimasunut, imaluunniit § 340 a, imm. 1-imi piumasaaqatinik naammassinnittumik inummik killisiuineq video atorlugu killisiuinertut ingerlanneqassasoq eqqartuussivik aalajangersimappat aamma atuuppoq.”</p>
<p><b>§ 321 a.</b> Meeqqamik politiit killisiuinerat, killisiuineq videomut immiunneqarpat (video atorlugu killiusineq), eqqartuussutissap isumaqatiginniutigineqarnerani</p>	<p><b>4. § 321 a</b> imatut oqaasertalerneqassaaq:</p> <p>”§ 321 a. § 340 a imaluunniit § 155, imm. 3 malillugu video atorlugu killisiuineq sioqqullugu</p>

<p>uppernarsaatitut atorpeqarnissaa ilimagineqarpat killisiuineq sioqqullugu pasineqartumut imaluunniit kingusinnerusukkut suliami pasineqalersussamut illersuissussanngortitsisoqassaaq, pineqartoq nammineq illersuisussaminik toqqaasimangippat, imaluunniit illersuisussatut toqqarneqartoq takkutinngitsoorpat</p>	<p>pasineqartumut imaluunniit kingusinnerusukkut suliami pasineqalersussamut illersuissussanngortitsisoqassaaq, pineqartoq nammineq illersuisussaminik toqqaasimangippat, imaluunniit illersuisussatut toqqarneqartoq takkutinngitsoorpat.”</p>
<p><b>§ 340 a.</b> Meeqqamik politiit killisiuinerat, killisiuineq videomut immiunneqarpat (video atorlugu killiusineq), eqqartuussutissap isumaqatiginniutigineqarnerani uppernarsaatitut atorpeqarnissaa ilimagineqarpat, illersuisoq video atorlugu killisiuinermi najuutissaaq. Imm. 2. (...)</p>	<p><b>5. § 340 a, imm. 1</b> atorunnaarsinneqarpoq taarsiullugu atuutsilersinneqarpoq:</p> <p>” § 476 a (video atorlugu killisiuineq) malillugu eqqartuussutissap isumaqatiginniutigineqarnerani immiussap uppernarsaatitut atorpeqarnissaa siunertaralugu politiit inummik killisiuinerat videokkut immiunneqarsinnaavoq inuk</p> <ol style="list-style-type: none"> <li>1) 13-it inorlugit ukioqarpat,</li> <li>2) 15-it inorlugit ukioqarpat,</li> </ol> <p>paasiniaanerlu ukuninnga unioqqutitisinernik tunngasuuppat</p> <ol style="list-style-type: none"> <li>a) Kalaallit Nunaannut pinerluttulerinermi inatsimmi § 74 imaluunniit kapitali 18 imaluunniit</li> <li>b) Kalaallit Nunaannut pinerluttulerinermi inatsimmi § 86, imm. 1, imaluunniit § 88, oqaaseqatigiit siulliit, inuk taassumaluunniit qaninersaa eqqunngitsuliorfigineqarsimappat, pasineqartorlu inuup qaninersaanut ilaappat,</li> </ol>

	<p>3) 18-it inorlugit ukioqarpat, aamma video atorlugu killisiusoqarnissaanut immikkorluinnaq pissutissaqarpat, imaluunniit</p> <p>4) 18-inik taakkuluunniit sinnerlugit ukioqarpat aamma tarnikkut annertuumik nappaateqarpat imaluunniit sulisinnaanera annertuumik annikillisimappat, aamma video atorlugu killisiusoqarnissaanut immikkorluinnaq pissutissaqarpat.</p> <p><i>Imm. 2.</i> Illersuisoq video atorlugu killisiuinermi najuutissaaq.”</p> <p>Imm. 2 tamatuma kingorna imm. 3-nngorpoq.</p>
<p><b>§ 340 a. (...)</b>  <i>Imm. 2.</i> Pasillerneqartoq imaluunniit pasineqartoq video atorlugu killisiuinermik malinnaasinnaanngilaq. Pineqartoq piaarnerpaamik videokkut immiussamik politiini misissuinissaminut illersuisunilu periarfissaqassaaq. Pasillerneqartumiit imaluunniit pasisamiit, taassumaluunniit illersuisua meeqqamik killisiueqqittoqarnissaanik qinnuteqartoq, tamatuma kingorna piaarnerpaamik tamatumunnga saqqummiussissaaq.</p>	<p><b>6. § 340 a, imm. 2-mi, imm. 3-nngortumi,</b> marlunni ”imaluunniit pasisaaq”, aamma ”meeraq” imatut allanngortinneqarpoq: ”inuk”.</p>
	<p><b>7. § 340 a-mi imm. 4-tut ikkunneqarpoq:</b></p> <p>”<i>Imm. 4.</i> Video atorlugu killisiuinerup eqqartuussutissap isumaqatiginniutigineqarnerani uppersaatitut atorneqarnissaanut pasineqartoq, illersuisorluunniit akerliussappata pineqartoq video atorlugu killisiuinerup ingerlanneqarnerata</p>

	<p>kingusinnerpaamik sapaatit akunneri sisamat kingorna apequtip eqqartuussivimmut suliassanngortissavaa. Eqqartuussivik piffissaliussamik qaangiineq utoqqatsissutigineqarsinnaasutut isigineqarsinnaasoq pingaartinngissinnaavaa.”</p>
<p><b>§ 344.</b> Pasisaq eqqartuussinissat tamaasa pillugit ajornangippat ilisimatinniarneqartassaaq taak-kununngalu najuunissaminut piginnaatitaassaaq. Tamanna atuutissanngilaq eqqartuussinernut kapitalit 36 aamma 37 malillugit pinngitsaaliinikkut iliuuseqarnissaq pillugu eqqartuussisut aalajangiinissaat siunertaralugu ingerlanneqartunut tunngatillugu. Aammattaaq § 155, imm. 3 malillugu meeqqamik killisiuinissaq siunertaralugu eqqartuussinerit pineqanngillat, tassani eqqartuussivik aalajangersimappat killisiuineq videomut immiunneqassasoq. Pasisaq tigummigallagaappat politiit pineqartoq eqqartuussinermi najuutsinngitsoorsinnaavaat, najuutsitsinissaq naleqqutinngitsunik ajornar-torsiutitaqassappat. Imm. 2-7</p>	<p><b>8. § 344, imm. 1, oqaaseqatigiit pingajuanni,</b> ændres ”meeqqamik killisiuineq, § 155, imm. 3 malillugu eqqartuussivik aalajangersimappat killisiuineq videomut immiunneqassasoq” imatut allanngortinneqarpoq: ”§ 155, imm. 3 malillugu inummik video atorlugu killisiuineq”.</p>
<p><b>§ 448.</b> Matut matuneqarnissaat, issuaaqqusinnginneq, atinik taaseqqusinnginneq pillugu aamma ilisimannittumik killisiuisoqartillugu unnerluutigineqartup inimiit eqqartuussiviusumiit qimagunnissaanik eqqartuussutissap isumaqatigiinniutigineqarnissaa sioqqullugu aalajangiisoqarsinnaavoq, tamanna politiinit, illersuisumit imaluunniit ilisimannittumit noqqaassutigineqarpat.</p>	<p><b>9. § 448-mi</b> ”atit atorneqarnissaannik inerteqqussut”-ip kingorna ikkunneqarpoq: ”, meeqqamik 15-it inorlugit ukiulimmik imaluunniit inummik, video atorlugu killisiorneqarsimasumik killisiuineq qanoq kimillu ingerlanneqassanersoq.”.</p>
<p><b>§ 467 a.</b> Politiit meeqqamik killisiuinerat, killisiuineq videomut immiunneqarpat (video atorlugu killisiuineq) eqqartuussutissap isumaqatiginniutigineqarnerani uppersaatitut atorneqarsinnaavoq.</p>	<p><b>10. § 467 a</b> imatut oqaasertalerneqarpoq:  ”§ 467 a. § 321 a imaluunniit § 155, imm. 3 malillugu video atorlugu killisiuineq eqqartuussutissap</p>

	isumaqatiginniutigineqarnerani uppersaaitut atorneqarsinnaavoq.”
<p><b>§ 743.</b> Kalaallit Nunaanni Eqqartuussiveqarnej pillugu Isumalioqatigiissitat 13-inik ilaasortaqarput, tassaasunik Kalaallit Nunaanni eqqartuussisuuneq, Kalaallit Nunaanni Eqqartuussivimmi eqqartuussisoq, Kalaallit Nunaanni politimesteri, Kalaallit Nunaanni Pinerluuteqarsimasunik Isumaginnittoqarfimmi pisortaq, Kanukoka, eqqartuussissuserisoq ataaseq, illersuisoq ataaseq, ilisimatusarfimmi ilinniartitsisoq ataaseq, Kalaallit Nunaanni Namminersornerullutik Oqartussaniit sinniisuutit marluk kiisalu Inatsiseqarnermut Ministereqarfimmiit, Domstolsstyrelsimiit aamma Pinerluuteqarsimasunik Isumaginnittoqarfimmut Pisortaqarfimmiit sinniisuutit. Imm. 2-4 [ ... ]</p>	<p><b>11.</b> § 743, imm. 1-mi, ”13” imatut allanngortinneqarpoq: ”14”, aamma ”Kalaallit Nunaanni pinerluttunik isumaginnittoqarfimmi pisortap,” kingorna ikkunneqarpoq: ”kredsdommeri,”.</p>
<p>§ 743.[...] Imm. 2. Eqqartuussissuserisoq inatsiseqarnermut ministerimit toqqarneqassaaq Eqqartuussissuserisut Isumalioqatigiissitat innersuussutaat malillugu, illersuisorlu toqqarneqassaaq Kalaallit Nunaanni Illersuisut Peqatigiiffiata innersuussutaa naapertorlugu. Ilisimatusarfimmi ilinniartitsisoq Inatsiseqarnermut ministerimit toqqarneqassaaq. Imm. 3-4 [ ... ]</p>	<p><b>12.</b> § 743, imm. 2-mi, oqaaseqatigiit siulliit kingorna ikkunneqarpoq:  ”Kredsdommerit peqatigiiffianniit inassuteqaateqartoqarnerata kingorna kredsdommeri inatsisinik atortitsinermit ministerimit toqqarneqassaaq.”</p>
	<p style="text-align: center;"><b>§ 2</b></p> <p>Inatsit ulloq 1. april 2016-imi atuutilersinneqarpoq.</p>